

244
933

2012

580

2142

ՀԱՅ
933

580.

1 SEP 2008

ՊԵՐԹԵԻՆԵՐԸ ՊԱՐՄԿԱՍՏԱՆՈՒՄ

Ե Հ

ՆՐԱՆՑ ՅԱՐԱԲԵՐՈՒԹԻՒՆՆԵՐԸ ՀԱՅՈՑ ՀԵՏ.

(250 Քրիստոնյաց առաջ—226 Քրիստոնյաց յետոյ)



Հ Ր Ա Մ Ա Ն Ա Կ
Տ. Տ. ՄԿՐՏՉԻ Ա.
ՎԵՀԱՓՈԽ ԵՒ ՄՐԲԱՋԱԳՈՅՆ ԿՈԹՈՒՂԻԿՈՍԻ
ԸՄԵՆԱՑՆ ՀԱՅՈՑ

2778

ՎԵԴԱՐԵՎԱՑ
ՏՊԱՐԱՆ ՄԱՅՐ ԱԹՈՈՒՑ ՄՐԲՈՅ ԷՇՄԻԱՅՆ
1897

933 8

1112

ԱՊԱՀՈՒԱՐԱՐ ԴԱՅԱԲԳՈՅՆ

Ա 8

ՀԵՐԵՎԱՆ ՉՈՎՈՏՎԱՌՈՒԹՈՒԹՅՈՒՆ ՀԵՐԵՎԱՆ

(Կառավարության հայտ կազմել է 05.01)

Дозволено цензурою, 7 июля 1897 г. г. Тифлисъ.



5128 | 18928

933-2012

ՀԱՅՈՒԹԻՒՆ
ՀԱՅՈՒԹ ՍՊՈՐՏԱ ՀԱՅՈՒԹԻՒՆ
ՀԵՐԵՎԱՆ

ՊԱՐԹԵԽՆԵՐԸ ՊԱՐՍԿԱՍԵՆՈՒՄ

Ե Ի

ՆՐԱՆՑ ՅԱՐԱԲԵՐՈՒԹԻՒՆՆԵՐԸ ՀԱՅՈՒԹ ՀԵՏ.

(250 Քրիստոնյաց առաջ — 226 Քրիստոնյաց յետոյ)

թեան և արևելեան ազբւրների վերականգնելու գործը պատմական գիտութեան դժուարագոյն ինդեներեց մէկն է, որ այնքան յաջողութեամբ լուծել են այդ երկու գիտնականները: Թէպէտ արդէն մի տամնամեայ շրջան է անցել այդ պատմութեանց հրատարակութիւնից, սակայն դրանք ցայծմ իսկ գիտութեան վերջին խօսքն են կազմում: Գութշմիդի շարադրութեան գերմաներէն բնագիրն «Իրանի և նրա դրացի երկրների պատմարինը» վերնագրով՝ հրատարակել է նոյն գիտնականի մահուանից վերջը նրա բարեկամ նէուգէքէն: 1

Գութշմիդի շարադրութեան ամբողջ թարգմանութիւնը թէպէտ և կարող էր օգտակար լինել հայկական պատմութեան ուսումնասկըողներին, սակայն տեղի սղութեան պատճառավ սահմանած ենք միայն հայկական յարաբերութիւններին վերաբերեալ հատուածները առաջ բերել այստեղ, որովհետեւ մեր անմիջական նպատակը հայոց պատմութեան գիտութիւնն է:

«Իրանի և նրա հարևան երկրների պատմութիւնը» երկու մասից է բազկացած, առաջին մասի վերնագիրն է «Մակեդոնական շրջան» և բանում է գրքի 1—74 երեսը, իսկ երկրորդինը՝ «Արշակունեան շրջան» 75 երեսից մինչև 172 երեսը: Առաջին շրջանի համար մենք ունինք երկու տեսակ դասական (կասակ) աղբեւր, մին պաշտօնական, քաղուած Պոտղոմէոս թագաւորի և Կասանդրէացի Արհատըուլոնի երկերեց,

1. Geschichte Irans und seiner Nachbarländer von Alexander dem Grossen bis zum Untergang der Arsaciden, von Alfred von Gutschmid. Mit einem Vorwort von Th. Nöldeke-Tübingen 1888. verlag der H. Lauppeschen Buchhandlung.

Արփանոսի և Պլուտարքոսի ձեռքով, միւսը ոչ պաշտօնական, յոյն Արփարքոսի պատմութիւնից, որ ճշգութեամբ ճաղկաքաղ է արել Դիոդորոսը, նոյն աղբեւրիցն են քաղել Կուրցիուսը և Խւստինը կամ իսկապէս Տրոդոս Պոտղոսը, որի մէջ խառն են դարձեալ մի երրորդ, Աղեքսանդր Մակեդոնացուն թշնամի, աղբեւրից քաղուածները: Նորագոյն պատմագիրներից գերմանացին «Երոյզէն պատմագիտի շարադրութիւնն առաջին աղբեւրի վերայ է հիմնուած, մինչ Գրոտէն երկրորդիցն էլ օդտուել է: Աղեքսանդրի յաջորդներից պատմութեան համար աղբեւը են Դիոդորն, Փոտի ծաղկաքաղի մէջ պահուած Արփանոսն և Պլուտարքոսը, որոնք ամենքն էլ ստուգապատում Կարգիացի Հիերոնիմոսիցն են քաղել: Նորագոյններից այս մասը մշակել են զարձեալ Դրոյզէն և Գրոտէն: Սկսած 220 թուից հին աղբեւըների վրայ աւելանում են և Պոլիբոսի նշանաւոր պատմութեան տուած տեղեկութիւններն: Հելլենիստականութեան (Hellenismus) շրջանի շարայարեալ պատմութիւնը նորագոյն ժամանակներումն բացի Պրոյցիէնից ու Գրոտէից մեզ տալիս է Գութշմիդը:

Երկրորդ՝ բուն պարթեական շրջանի օժանդակ միջոցներն ու աղբեւըներն աւելի ևս նոււազ են. մինչև 9 թ. Քրիստոսից առաջ շարայարեալ պատմութիւնն է տուել մեզ Տրոդոս Պոտղոսը, որի քաղուածքն ունինք մենք Խւստինի երկում, որի մէջ տակայն ծաղկաքաղ անողը բաց է թողել 94—55 (Քրիստոսից առաջ) թուականների պատմութիւնը:

Հոռվլմէացոց և Պարթեաց պատերազմների մասին (53—36 Քրիստոսից առաջ) ընդարձակագոյն պատմումն է Պլուտարքոսը Կրասոսի և Անտոնիոսի

կենսագրութիւնների մէջ։ Հոռովմէական կայսրութեան շրջանում հոռովմէացոց մէջ այն հայեացքն է ը կազմուել, որ պարթեներն էլ իրանց հաւասար մի աղք են և երկրիս տիրապետութիւնը բաժանուած է երկու աղքերի մէջ, այս է ահա պատճառը, որ լատին պատմագիրներն աշխատում են մի շարայարեալ պարթեական պատմութիւն տալ մեղ և երեմն այնպիսի տեղեկութիւններ ևս հազարդում են, որ ամենավե կազ չունին հոռովմէական պատմութեան հետ։ Ընորհիւ այս հայեացքի մենք պարթեաց շարայարեալ պատմութիւն ունինք 69 (Քրիստոսից առաջ)՝ 72 (Քրիստոսից յետոյ) Դիմն Կասսիոսի, Յովակիպոսի և Տակիտոսի երկերի մէջ։ Պարթեաց պատմութեան անյայտ շրջաններն են մեղ համար 94—69 Ք. ից առաջ և 72—227 Ք. ից յետոյ։ Նշանաւոր աղքեւը են մեղ համար դրամներն ոկտած 37 թուականից Քրիստոսից առաջ, որովհետեւ այդ թուականից սկսած նրանց վրայ կան տարեթուել։

Պարթեաց պատմութեան մշակողներից պիտի յիշենք Յ. Փ. Վայլանին, որի «Արշակունեաց տէրութիւն»¹ վերնագրով դորձը և Լոնգենիւյին, որի «Արշակունեան տարեգրութիւնը»² երկն, երկուան էլ հիմնական աղքեւըներ են եղել յետագաների համար։ Այս երկու երկերի լրացումն կարող է համարուել Գիլհէմ դը Սէն Կրուայի մի շարագրութիւնն ֆրանս. մէմ։ յիշատակարանների մէջ Յ։ Պրամագիտական շա-

1. I Foy Vaillant, Arsacidarum imperium, Paris 172.
2. L. Du Four Longuerue, Annales Arsacidarum, Strassburg 1732.
3. G. E. I. Guilhem de Sainte-Croix, Mémoir sur le

ըաղբութիւններից պարթեաց պատմութեան համար նշանակութիւնն ունին է. Ք. Վասկոնտիի յունական դրոշմագիտութիւնն [Iconographie Grecque] Բարթոլոմէյի Արշակունեաց դրամագիտութեան հետազօտութիւնն [Recherches sur la numismatique Arsacide] և Լոնգապէրի յիշատակարանն Արշակունի պարթե թագաւորների դրամագիտութեան և Ժամանակագրութեան վերայ [Mémoires sur la chronologie et l'iconographie des rois Parthes Arsacid, Paris 1885]։ Դրամների ցանկերի հրատարակութիւններից նշանաւոր են պարթեների պատմութեան համար կոմս Պրոկիչ—Օստենի «Պարթե թագաւորների զրամները»⁴ և Պէրսի Գարդների «պարթեական դրամները»։ 2 Պարթեաց պատմութեան վերաբերեալ նոր շարագրութիւններից աչքի ընկնողներն են և. Ընայդէվերթի, Գ. Ռառուլինսրնի և Փր. Շպէգէլի երկերն, իսկ դրամագիտութեան վերաբերեալ Յ. Լինդսայի գործը։

Բացի այս օժանդակ աղքեւըններից և ամբողջական շրջանների հետազօտութիւններից կան բազմաթիւ առանձնական խնդիրների մշակութեան նույիրուած մենագրութիւններ ևս։



gouvernement des Parthes [Mém. de l. Acad. des Inscr, L, 48 ff, 755 ff.]

1. Le C-te Prokesch—Osten, Les monnaies des rois Parthes, Paris 1874—75.

2. Percy Gardner, The Parthian coinage, London 1877.

այդ երկիրը: Հայաստանի վերաբերութեամբ Աղեք-սանդըն անշուշտ այնպէս վարուեցաւ, ինչպէս այլ սատրապութիւնների հետ, հին սատրապն համարուեցաւ նոր արքայից արքայի պաշտօնեայ, իսկ երկրի վարչութիւնն և ներքին կազմակերպութիւնը նոյնը մնաց:

Դէպի Մարտաստան ձեռնարկած արշաւանքի ժամանակ Աղեքսանդրի գնդերն անցան և Հայաստանի սահմաններով, բայց նրոնք չը մնացին այնտեղ, այլ մեծ աշխարհակալի հեռաւոր արշաւանքներին մասնակցելու շտապեցին: Աղեքսանդրի և նրա անմիջական յաջորդների ժամանակ Հայաստանի անունը չը կայ ամենեին սատրապութիւնների մէջ, որ և է սատրապի անուն անգամ յայտնի չէ, հաւանական է, որ ով պարօից աիրապետութեան ժամանակ երկրի սատրապն էր, նա էլ տէր մնաց Հայաստանին, ինչպէս Ատրոպատէսը, որ 328-ին Մարտաստան սատրապ ուղարկուեցաւ և ապա 321-ից սկսած հիմնեց Ատրպատականի փոքրիկ անկախ թագաւորութիւնը: Ատրպատականի թագաւորութիւնն համարուում է Աղեքսանդրի տէրութիւնից բաժանուած և անկախութեան հասած երկրներից տռաջինը,¹ հաւանական է կարծել, որ Հայաստանն աւելի և վաղ հասած լինի ան-

կախութեան, այսինքն Գառւգամելայի ճակատամարտից քիչ վերջը, որովհետեւ ոչ Աղեքսանդրի և ոչ տէրութեան ինամակալների ժամանակ չենք լսում մենք Հայաստան ուղարկուած որ և է սատրապի անուն:

Աղեքսանդրի ժառանգութիւնից անկախ տէրութիւններ կազմելու ձգտումն երեան եկաւ նրա մահուանից քիչ յետոյ, Բաբելոնի սատրապ Սելեկոսը, երբ Պտղոմէոսի օգնութեամբ կրկին իւր սատրապութիւնը ձեռք ձգեց 312-ին, արևելյիք նրան անկախ թագաւոր համարեցին: Այս 312 թուականն է ահա, որ համարուում է դարագլուխ Սելեկեան տարեթուի, որ սովորաբար և ասորական տարեթիւ է կոչուում: Սելեկոս Նիկատորը, որ իշխաց 312—280, բաժանեց իւր տէրութիւնը 72 սատրապութեանց, որոնց մէջ պիտի հաշուել և Հայաստանն, անշուշտ իւր տեղական իշխանով: Սրա յաջորդ Անտիոքոս Սոտերի (280—261) ժամանակ ընդունուեցաւ մակեդոնական տէրութեան երեքի բաժանումն, մի հարստութիւնը Ասիայում, միւսը Եւրոպայում և երրորդը Եգիպտոսում: այս բաժանման հիման վրայ Հայաստանն ընկնում է Սելեկեանց տէրութեան շրջանում: Անտիոքոս Սոտերի ժամանակ կատարուեցաւ Կառապից ծովի հետագաւութիւնն ծովապետ Պատրոկլոսի ձեռքով: Մարտաստանում հիմնուած քա-

1. Gutschmid Geschichte Irans . . . S. 20.

զաքների թուին նայելով պէտք է գուշակել, որ
Անտիռքսի տէրութիւնն արևմուտքում ապահով
էր համարուում, ուստի և նա արևելեան և մի-
ջին երկրների ապահովութեան մասին էր մտա-
ծում:

Անտիռքոս Սոտերին յաջորդում է նրա երկ-
րորդ որդին ԱնՏԻՌՈՋՈՒ Բ. ԹԷՌՈՒ (261—246),
որ մի մեղկ և շողոքորթների ձեռքին խաղալիկ
դարձած թագաւոր էր. սրա ժամանակ բաժա-
նուեց Սելևեան տէրութիւնից հիւսիս արևելեան
իրանն, ուր Սոգդիանան, Մարգիանան և Բակ-
տրեան միացած կազմեցին յունական այն թագա-
ւորութիւնն, որ Բակտրիայի թագաւորութիւն
անունով երկար ժամանակ տևեց: Յունական այս
նոր թագաւորութեան հաստատութիւնն եղաւ
առաջին խթանն պարթեների ապստամբութեան:
Հիւսիսարևելեան իրանի սահմաններում ապրում
էին վրանաբնակ աւազակաբարոյ ցեղեր, որոնք շա-
րունակ յարձակումներ էին գործում Սելևեան
տէրութեան սահմանների վրայ և աւարով յդփայտած
քաշուում էին իրենց անապատները: Այսպիսի
ցեղերի համար ձեռնատու էր կենդրոնական կառա-
վարութեան հեռու Բարիլոնումը լինելը, ուստի
երբ իրենց սահմաններում հաստատուեց Բակտրիա-
կան ուժեղ թագաւորութիւնն, նրանք դէպի արե-
ւելք, դէպի Սելևեան սահմանները, քաշուեցին:

Այսպիսի թագիառական ազգ էր Դահերի ազգը,
որի մի ցեղն էին կազմում Պարնիացիք, որոնց
արօտատեղիք բակտրիական սահմաններում Ոքոսի
[այժմ Թէջէն] ափերին էին գտնուում: Պարնիա-
ցիների առաջնորդ երկու եղբարք Արշակ և Տըր-
դատ Բակտրիայում թագաւորութիւն հաստա-
տելուց յետոյ քաշուեցան դէպի արևմուտք և
հաստատուեցան Պարթիայի սահմաններում:

Պարթեաց երկրի սատրապն էր այդ միջոցին,
ասում է պաշտօնական աւանդութիւնն՝ Փերեկ-
լէս, որ Պարնիացիների առաջնորդ եղբայրներից
կրտսերի, Տրդատի վերայ բռնութիւն էր ուզում
գործել, որ և պատճառ եղաւ դրանց ապստամ-
բութեան. Արշակն և Տրդատը կռիւ սկսան սատ-
րապի դէմ, սպանեցին նրան և տիրեցին Պար-
թեաց երկրին, այսպէս 250 թ. Քրիստոսից առաջ
գահ բարձրացաւ պարթեաց առաջին թագաւոր
Արշակը:

Այս է պարթեական վերջին պաշտօնական
աւանդութիւնն, որ աշխատում է պարթեաց և
աքեմենեաց հարստութիւնների մէջ կապ ևս հաս-
տատել: Շշմարտութիւնն սակայն այն է, որ պար-
թեաց երկրում Արշակը չէ թագաւորել, այլ նա
եղել է Պարթիայից դէպի հիւսիս-արևմուտք գըտ-
նուած Աստառէնի երկրի, որի մայրաքաղաքն
էր Ազատի, իշխան, իսկ նրա եղբայր Տրդատն է, որ

երկու տարի վերջը՝ 248—47-ին թագաւորել է Պարթևաց երկրում։ Պաշտօնական աւանդութեան յիշատակած Փերեկլէսն էլ ոչ թէ պարթևաց երկրի սատրապ է եղել, այլ Աստառւէնէի եպարքոս։

Սելեկեան տէրութեան վիճակն այնպիսի էր, որ ապստամբներին նուածելու մասին մտածել անգամ կարող չէին Սելեկոսի յաջորդները։ Անտիօքոս Բ-ին յաջորդել էր Սելեւկոս Բ. Կալլինեկոսը (246—226), որ պատերազմ էր մղում իւր եղբօր դէմ և որի տէրութիւնը գրեթէ բոլորովին նուածել էր Եգիպտոսի թագաւոր Պտղոմէս Եւերգետէսը։ 242-ին կամ 241-ին Անկիւրիայի մօտ Սելեկոս Բ. յաղթուեց իւր եղբայր Անտիօքոս Հեկուաքսից և ձայն տարածուեցաւ, որ ինքն էլ ձակատամարտումն ընկել է։ այս համբաւի վրայ ահա Տրդատ Արշակ կոչուող Պարնիացիների առաջնորդը մտաւ։ Պարթիա և երկրի եպարքոս Անդրագորասին սպանելով՝ նուածեց Պարթևաց աշխարհը։

Պարնական Դաշերի մասին մեր ունեցած տեղեկութիւններն հետեւալներն են։ Սիր-Դարիայի և Արալի լճի միւս կողմում ապրող Քասանդրացի կամ Պարիացի կոչուող Դաշերի մի ցեղն էին Պարները, որ ներքին խոռվութիւնների պատճառով այնտեղից գաղթել էին դէպի Հիւրկանիա կամ Վրկան և դէպի Կասպից ծովի արևելեան կողմի անապատը։ Պարնիացիք պահեցին իրենց սկիւթական յարձակութեան մասին հարցում ականական էր այդ երկուսին։ այս շատ բնական է, որովհետեւ հնումն մինչև հարաւային լուսայի անապատներն Արիացիք էին ապրում, որոնց մի ցեղն էին և Դաշերը, ուստի և նրանց լեզուն էլ պարսկականի մի բարբառ պիտի լինէր։ Պարթևները ժամանակի ընթացքում թողին իրենց սկիւթական զգեստներն և սեփականեցին մարական զգեստները, սպառազինութիւնը միայն պահպանեցին, որի տունձնայատկութիւնն էր մի հիւսկէն ասպար, որ պատում էր թէ Հեծեալին և թէ ձիուն։ Դրամների վրայ պետութեան հիմնադիրը մի այսպիսի ասպար է Հազած, Հեծեալի ոտներն ու ձեռները բաց են, ոաներին կօշիկներ կան, որ իրբացներով են կապուած, զլսին կայ մի կոնձեւ սաղաւարթ, որի կողքերից և յետեկից կախուած են ականջապանակներ և զղապանակ։ Սկսած Միհրը Պարթևները փոխեցին այս զգեստը պարսկական արքաների զգեստի հետ։

Պարթևաց երկրի նուածողներն արի Հեծեալներ էին, ազատականի համար ամօթ էր համարւում Հետիոտն գնալը. ազգային զէնքն էր աղեղը. պատերազմելու ժամանակ պարթևները սիրում էին յարձակուել և ապա դէպի յետ նետեր

արձակելով փախուստ կեղծել։ Թափառական սկիւթն ների բարքերից շատ բան մնաց դեռ Արշակունիների մէջ, մանաւանդ որ նրանք շարունակ յարաբերութիւններ էին պահպանում իրենց անսպատաբնակ ազգակիցների հետ, որոնց մօտ շատ Արշակունիններ ապաստան են գտել յետագայ ժամանակներում և նրանց օգնութեամբ կրկին իրենց հայրենի գահը ժառանգել։ Հարկաւ ժամանակի ընթացքում երկրի տէրերը սեփականեցին իրենց իրանցիների բարք ու վարքը և բոլորովին խառնուեցան իրենց հպատակների հետ։ Պարթեաց տէրութիւնը իմաստ ազնուապետական էր. սակաւթիւ ազատանիները իշխում էին սարուկների բազմութեանը, ստրուկին ազատեն արգելուած էր կամ ստոյգն ասելով անհնարին։ Ստրուկների թուի մասին գաղափար կազմելու համար հերիք է գիտենալը, որ Կրասոսին յաղթող Սուրէնի բանակում 10,000 հեծեալ կային, որոնք ամենքն էլ նրա ստրուկներն ու ճորտերն էին և այն 50,000 հեծեալներից, որ դուրս եկան Անտոնիոսի դիմացը, միայն 400հոգի էին ազատները։

Տրդատ Արշակ առաջին պարթեագաւորը տիրեց նաև Վրկանաց աշխարհին և մեծ բանակ կազմեց Սելեկացիներին դիմադրելու և Բակտրիացիներից ապահով լինելու համար։ Բակտրիայ թագաւորութեան հիմնադիր Դիոդատոս Ա. մեռաւ-

շուտով, իսկ նրա յաջորդը, Դիոդատոս Բ. դաշն կոեց Տրդատի հետ, որպէս զի դիմադրել կարողանան Սելեկացիներին, որոնցից երկուո՞ն էլ ապրատամբ էին։ (1888)

Սելեկոս Բ. այդ միջոցին հաշտուել էր իւր թշնամիների հետ, յաղթել էր եղբօրն և քայքայուող տէրութիւնը կրկին միացել էր, ուստի շուրջ 238 թ. զօրքով զիմեց ապստամբների վերայ։ Սելեկոսի մերձենալը լսելով՝ Տրդատը քաշուեց թափառական Ապազիակների երկիրն, ապա յետ դարձաւ և ճակատեց Սելեկոսի դէմ, որին յաղթեց. այս յաղթութեան օրն պարթեաներն համարում են իրենց անկախութեան ծննդեան օրն, որ ամենայն տարի տօնուում էր։ Անտիոքում ծագած մի ապստամբութիւն ստիպեց Սելեկոսին յետ դառնալ իւր մայրաքաղաքը, ուստի պարթեաներն ու Բակտրիացիք ժամանակ ունեցան կազդուրուելու։ Տրդատն այդ ժամանակամիջոցը գործ դրաւամբոցներ, բերդեր շինելու և զօրքը կազմակերպելու։ Սրա շինած քաղաքներից նշանաւոր է Ապաօրտէնում Դարա կամ Դարայումը։ Տրդատը 37 տարի իշխեց և իւր տէրութեան վերջին ժամանակներն դրամների վրայ սկսաւ իրեն արքայից արքայ կոչել։ Տրդատի մահը պէտք է տեղի ունեցած լինի 211—10-ին, նրա յիշատակը շատ յարգուած էր պարթեաների մէջ։

Սելեկոս թուին յաջորդեց իւր որդի Սելեկոս գ. Սոտէր (226—223), որի վաղահաս մաշումնից յետոյ գահը բարձրացաւ նրա եղբայր Անտիօքոս գ. Մեծը (223—187): Մարտատանի սատրապ Մոլոնի ապստամբութիւնը քիչ մնաց կրկին քայքայէր Սելեկեան տէրութիւնը, բայց շնորհիւ երիտասարդ Անտիօքոսի եռանդի ու արիութեան՝ ապստամբն ընկճուեցաւ և տէրութեան ամբողջութիւնն կրկին անխախտ մնաց: Մոլոնին յաղթելու տարին, 220-ին, Անտիօքոսը մի արշաւանք սկսաւ Արտաքացանէսի ընդդէմ, որ իշխում էր Ատրպատականի և արեելեան Հայաստանի վրայ: Ատրպատականի իշխանութեան սահմանները որոշելուս Պոլիբոսը (Վ. 55, 7) Փազիսի վերին բաժնի պոնտաեան բնակիչների երկիրը սահմանակից է Համարում Արտաքացանէսի երկրին, որից հետեւում է որ ատրպատականի թագաւորները՝ Աղեքսանդրի յաջորդների ժամանակ անկախ տիրում էին Հայաստանի գոնէ արեելեան հիւսիսային բաժնին: Արտաքացանէսն բնիկ իշխանների մէջ ամենից զօրաւորն և եռանդունն էր Համարուում: Անտիօքոսի արշաւանքը խորին ծերութեան հասած Արտաքացանէսին այնպէս սարսափահար արաւ, որ նա անմիջապէս համաձայնեց Անտիօքոսին ձեռնտու մի դաշնադրութեան:

Անտիօքոս գ. մեծութեան հռչակ ստացաւ

այն ժամանակ, երբ իւր տէրութեան արևմուտքն ապահովելուց յետոյ մի արշաւանք ձեռնարկեց գէպի արեելեան սատրապութիւնները: Ինչպէս Սելեկեան տէրութիւնն արեւելքում, այնպէս էլ արեւմուտքում՝ կազմուել էին անկախ տեղական թագաւորութիւններ, որոնցից մէկն էր եւ Արամանատայի հայկական թագաւորութիւնը: Անտիօքոսի ժամանակ Արամանատայում թագաւորում էր Քսերքսէսը, որի ամուսինը Անտիօքոսի քոյրն էր. սա իւր եղաօր դրդմամք սպանել էր Քսերքսէսին: Նախ քան դէպի արեւելք արշաւելն, թագաւորը Արամանատա դիմեց եւ հայկական այդ փոքրիկ թագաւորութեան գործերը կարգի քերաւ: ¹ Այդ տեղից նա դիմեց Եփրատով գէպի հարաւ և ջրի ձանապարհով հասաւ Սելեկիա, որտեղից գէպի Մարտատան անցաւ 209-ին, ուր կողոպտեց Եկեբատանի ասձարի հարստութիւնները: Այստեղից արշաւեց Անտիօքոս պարթևաց ընդդէմ, ուր իշխում էր Արշակ Բ. որ յաջորդել էր իւր հայր Տրդատ Արշակին: Անտիօքոսի բանակը բաղկացած էր 100,000 հետևակ և 200,000 հեծեալ զօրքից, որի առաջ խոյս տուին պարթևները: Վրկանում նրանք գէմ դնելու փորձ արին և յաղթուեցան, ուստի և Արշակ Բ. ստիպուեց խաղաղութեան

1. Տես Ioannes Antiochenus, Müller IV. 557.

դաշն կռել, որի մէջ նա ստիպուած եղաւ ճանաչելու մակեդոնական գերիշխանութիւնը: 208 թուին Անտիռքոսն արշաւեց բակտրիական աւելի զօրաւոր տէրութեան դէմ, որ սակայն 206 թուին խաղաղութեան դաշինքով վերջացաւ, որից յետոյ Անտիքոսը հնդկական սահմանակից թագաւորի չետ ևս դաշն դնելով վերադարձաւ իւր մայրաքաղաքը: Այսպիսով Սելեկեան իշխանութիւնն ապահովեց արևելեան կողմից:

Բոլորովին այլ հանգամանքների մէջ սկսաւ Անտիքոսը 18 տարի յետոյ իւր երկրորդ արշաւանքը դէպի վերին Ասիա: Հռովմի հետ վարած պատերազմներում կրած պարտութիւնը կոտրել էր Սելեկեան իշխանութեան ոյժն ու հռչակը, արևելեան ազգերը զգացել էին մակեդոնական ոյժի նուազումն և աւելի համարձակ էին դարձել իրենց անկախութեան ձգտումների մէջ: Հռովմի անյագ պահանջներն աղքատացրել էին Անտիքոսին, որ պրամ ձեռք ձգելու համար արշաւել էր Էլիւմայիսի թելի տաճարը կողոպտելու, որ սակայն պատճառ եղաւ իւր կործանման: Ելիւմայեցիք համախմբուեցան և ոչնչացրին Անտիքոսի բանակն երեն էլ սպանեցին 187 թ: Այս ժամանակներից էլիւմայիսի փոքրիկ անկախ տէրութիւնը կազմուեց Սուլիանայում: Անտիքոս Մեծին յաջորդեցին իր որդիքը, նախ թոյլ Սելեւկոս Դափիլատորը

(187—175), ապա հանճարաւոր Անտիքոս Դեւպատորն (175—174), որ ճանաչել էր իւր տէրութեան թոյլ կողմերն, սակայն իւր եռանդի շատութեան պատճառաւ աւելի ևս փութացրեց տէրութեան կործանումն: Սա ևս դրամի մեծ նեղութիւն էր կրում, ուստի 166 թուին մի արշաւանք սկսեց հարկ հաւաքելու և գանձարանը լցնելու համար: Անտիքոսը դիմեց նախ դէպի Մեծ Հայք: Հայաստանն առհասարակ Մակեդոնացիներին երթէք կատարելապէս չէ պատկանել, նրա կախումն միայն անուանական է եղել. միայն մեծըն Անտիքոսի օրով է, որ լսում ենք՝ թէ նա բաժանելով Հայաստանը, Մեծ Հայքում՝ ստրատէգ է կարգում Արտաքսիասին, իսկ Փոքր Հայքում՝ Զաղրիադէսին, բայց Հռովմի հետ պատերազմելու ժամանակ սրանք յարաքերութիւններ են հաստատում հռովմէացոց հետ եւ նրանց աջակցութեամբ 189 թուին ճանաչուում են իբրեւ առանձին անկախ տէրութիւններ: Աւանդութիւնն հաղորդում է իսկ, որ Անտիքոսի մօտից փախըստական Հաննիբալը Մեծ Հայքի իշխան Արտաքսիասին է ապաւինում, որ Կարթագենայի գօրավարի յատակազծով շինում է իւր Արտաքսանուա—Արտաշատ մայրաքաղաքը, որ յաջորդ դարերում միշտ իբրեւ մայրաքաղաք է յիշուում Հայաստանի: Մեծ Հայքի թագաւորութիւնն պիշ

ժամանակում՝ այնքան զօրանում՝ է, որ տիրում՝ է Մարաստանի գաւառներից Կասպիչներին, Փառ-նիտեսին եւ Բատրովէղային. Փռքը Հայքն եւս նենգութեամբ զբեթէ միացուում՝ է նրա տէրու-թեան հետ. Անտիռըսը մտնում՝ է Հայաստանի խորը, Արտաքսիասին յաղթում՝ եւ գերի է ըլո-նում, բայց կըկին արծակում՝ է եւ իւր թագա-ւորութեան մէջ հաստատում:

Այս արշաւանքից յետոյ Անտիռքոսը Պարս-կաստան է անցնում, մի քանի յաղթութիւններ է տանում, քաղաքներ է հիմնում և հին գաղութ-ներն է վերականգնում, բայց ինքն էլ իւր հօր պէս զոհ է գնում տաճարակապտութեան ժամա-նակ, որովհետեւ դրամական նեղութիւնը բառնալու համար Ելիւմայիսի Նանէ զիցուհու տաճարը կո-ղոպտելու դիտաւորութեան պատճառով շրջակայ ժողովուրդը ոտքի է կանգնում և հալածում է նրան. այս միջոցին լուր է առնում և հրեց ապստամբութեան և մինչ ինքը պարսիկների դէմ էր արշաւում, մեռնում է թոքախտից 164 թուին: Սրան յաջորդում է մի մանուկ, Անտիռըս Եւլպատոր (164—162), որին սպանելով թա-գաւորում է Դիմենտրիոս Սոստէր (162—150), որի դէմ Հռովմը շարունակ թշնամիք էր յարուցանում: Մարաստանի սատրապն էր Տիմարքոս Միլետացին, որ նենգաւոր և ազգեցիկ գանձապահ Հերակլիոնէի

եղբայրն էր, որ սրա նման նախկին թագաւորի սիրելին էր եղել և քանիցս իբրև պատգա-մաւոր Հռովմ էր ուղարկուել: Արդ՝ սա կըկին Հռովմ գնաց և ծերակուտի համաձայնութիւնն առաւ թագաւոր կոչուելու (161): Սա դաշն կոեց Մեծ Հայքի արքայ Արտաքսիասի (Արտաշէս) հետ լնդէմ՝ Դիմենտրիոսի, նուածեց Մարաստանի հարաւային ազգերին, տիրեց մինչև Բարելոն: Բար-ելոնիայի ժողովուրդն ատում էր Տիմարքոսին, ուստի երբ Դիմենտրիոսը նրա դէմ զուրս եկաւ, ժողովրդի համակառութիւն իւր կողմն ունենալով յաղթեց Տիմարքոսին և սպանեց, իսկ նրա եղ-բայրը փախստեամբ ազատուեց (160): Այս յաղ-թութիւնը մեծ ոյժ տուաւ Սելեկացիներին, որով-հետեւ Հռովմէական խոստումներով խարուողները տեսան կըկին անդամ, որ Հռովմի պաշտանու-թիւնն նշանակութիւն չունէր այն երկներում ուր նրա ձեռքը չէր համնում: Բայց մակեդոնական տէ-րութեան վտանգ չէր սպառնում ապստամբ կուսա-կալներից, այլ արևելեան ազգերից: Այս ազգերից առաջին տեղը պարթևներին է պատկանում:

Արշակ Բ-ին յաջորդել էր Փրիապատիոս, որ կառավարեց 15 տարի (191—176), սա դբամ-ների վրայ իրեն կոչում է Արշակ Փիլաղելֆոս (Եղբայրասէր), Փիլինէլլէն (Հելլենասէր): Սրան յաջորդում է իւր անդրանիկ որդին Փրաստէս,

որ գրամների վրայ Արշակ Թէոպատոր է կոչուում է
Այս թագաւորների ժամանակ պարթևների տէ-
րութիւնն ընդարձակուել էր գէպի հիւսիս արե-
մուտք և հարաւ: Փրատէսն իւր տէրութիւնը
յանձնեց (շուրջ 171 թուին) իւր հանձարաւոր
եղբայր Միթրիդատէսին (Միհրգատ), որ գրամնե-
րի վրայ կոչուում է Արշակ Եպիփանէս, այլ և
Արշակ Փիլէպէլէն: Սա էր այն թագաւորն ահա, որ
պարթևների իշխանութիւնն իրանում հաստատեց:

Միթրիդատէսն իւր սահմաններն ընդարձա-
կեց գէպի արևելք: բակտրիական յոյն տէրութիւնն
այդ ժամանակ ներքին կոիւների շնորհիւ տկարա-
ցել էր, ուստի և Միթրիդատէսն մի քանի նա-
հանգներ խլեց նրանից մերձաւորապէս 161 թ.
Ք.-ից առաջ: Նոյնպիսի յաջող հանգամանքներ
նպաստեցին պարթևաց թագաւորին արևմուտքում
ուր արի Դեմետրիոսի ընդդէմ կոռուելով ներքին
թշնամիք վերջապէս յաղթեցին նրան (150 թ.) և
թագաւորեց Ալքսանդր Թէոպատոր Եւերգետէսը,
որ իրեն Անտիոքոս Եպիփանի որդի էր հոչակել:
Եղիպտոսի թագաւոր Պաղոմէս Ֆիլոմետորը սրա
ընդդէմ զինեց 147-ին Դեմետրիոսի որդուն, եր-
կամեայ պատերազմից յետոյ յաղթելով նրան քշեց
(145) և թագաւորեց ԴեՄԵՏՐԻՈՍ Բ. ՆԻԿԱ-
ՑՈՐԻՆ: Սա իւր վարքով ատելի դարձաւ շուառվ
իւր հպատակներին, ուստի և յաջողութիւն ու-

նեցաւ Դիոդատոսը, որ ստոր ծագումից մի անձն
էր և ապստամբութեան դրօշը բարձրացրեց Ապա-
մէայում: Դիոդատոսն իրեն թագաւոր հրատարա-
կեց ՏՐԻՒՓՈ անուամբ և հինգ տարի կռուելով՝
Դիմետրիոսից Ասորիքի մեծագոյն մասը խլեց: Հէնց
այս միջոցին ծագեց պարթևաց և մարաց կռիւը:
Միթրիդատէսն հիշտութեամբ նուաճեց Մարաս-
տանն ու Բաբելոնիան Սելեկիա մայրաքարով
(142—140): Պարթևական լուծը ծանր թուեցաւ
այս նահանգների բնակիչներին և նրանք հրաւիրե-
ցին Դեմետրիոսին իրենց օգնութեան: Դեմետրի-
ոսն Ասորիքում այլ ևս կորցնելու բան չունենա-
լով՝ 140 թուին արշաւեց գէպի Միջագետք, ամե-
նուրեք գրկաբաց ընդունեցին նրան, մինչեւ իսկ
բնիկ փոքրիկ թագաւորութիւնները (Պարսից, Ելե-
մայեցոց և Բակտրիացոց) միացան ասորոց թագաւո-
րի հետ: Սկզբում յաջող գնացին Դեմետրիոսի
գործերը, բայց վճռական ճակատամարտում յաշ-
թուեցաւ նա 139 թուին և գերի բռնուեցաւ:
Այսպիսով վերջնականապէս ջախջախուեցաւ Սե-
լեկեան իշխանութիւնն իրանում և Միջագետ-
քում ու նրա տեղը բռնեց պարթևական իշ-
խանութիւնը:

Միթրիդատէսն իւր կեանքի վերջին կռիւ
մղեց և Ելիւմայեցոց դէմ, որոնց հարսաութեամբ
նշանաւոր Նանէի կառավարեմիսի տաճարը կողոպ-

5128
38

033-2012



ՀԱՅՀ-СОՐԱ.

Ա. Ա. Մասնիկյան

տեղով՝ 10,000 տաղանդից աւելի (23 միլ. ռուբլի) գանձ յափշտակեց։ Ինչպէս թուում է նա այստեղ Արշակունեաց հարստութեան մի ճիւղի թագաւորութիւնն հաստատեց, որի ներկայացուցիչներից մէկի անունը յայտնի է մեզ 82 և 81 թուականներից Ք.-ից սուած։ Այդ թագաւորի անունն է Կամնասցիրէս, որ 96 տարի կեանք է ունեցել և որի դրամներն անդամ ունինք մենք։

Միթրիդատէսը մեռաւ 138 թուին փառաւոր ծերութեան հասակում և պարթեաց պատմութեան մէջ տէրութեան հիմնագրին հաւասար հըռչակ ունեցաւ, որովհետեւ նա պարթեական տէրութիւնն մեծ պետութիւն դարձրեց։ Հարստացրեց, ընդարձակեց և նուածուած երկիրները լաւ օրէնքներով հաստատուն հիմքի վրայ դրաւ։

Միթրիդատէսի ժամանակ պարթեական տէրութիւնն տարածուում էր Հնդկական Կովկասից մինչև Եփրատ գետն և Մարաստանից մինչև պարսկական ծոցը։ այս ահագին տարածութիւնն երկու մասի էր բաժանուում, վերին և ներքին. ներքինը կամ արևմտեանն ունէր 7 տարապութիւն, իսկ վերինը 11, ընդամենը 18։ Այս միջոցին պարթեաց հիւսիսային սահմաններում գոյութիւն ունէր գեռ Փոքր Մարաց թագաւորութիւնն, հարաւում Ելիւմացեցոց տէրութիւնն և Պերսիսը, բոլորովին արևմտեան հիւսիսային մասում Աղիաբենէի թա-

գաւորութիւնն, որ յիշատակում է 69 թ. և Ուռչհայի թագաւորութիւնն, որ հիմնուել է 132 թ։ Այս մանր տէրութիւնները ճանաչել էին պարթեաց գերիշխանութիւնն, իսկ երբ ներքին պատերազմների պատճառով տկարանում էին, գերիշխանութիւնն միայն անուանական էր մնում։ Տրդատ Արշակն արդէն մեծ արքայ էր կոչուել, նրան հետևել էին իւր յաջորդները մինչև Միթրիդատէս, որ կոչուեցաւ արքայից արքայ։ Այս տիտղոսը աննշանակ մի ածական չէր, այլ շնորհուած մի մակղիբ, որովհետեւ Միթրիդատէսից յետոյ 70 տարի շարունակ այդ տիտղոսը ոչ ոք չը ստացաւ։

Պարթեաց տէրութեան մէջ թագաւոր նշանակուելու գործի մէջ մեծ էր ազնուականութեան ազգեցութիւնը։ Թագաւորից յետոյ առաջին տեղը պատկանում էր ծերակուտին, որի անդամներից ընտրուում էին բոլոր զօրավարներն և կուսակալները։ Սրանք կոչուում էին թագաւորի տոհմակիցներ, որ անշուշտ հին պարնիսական նախարարներիցն էին ծագել։ Բացի այս ծերակուտից կար մի այլ ծերակոյտ, բաղկացած իմաստուններից և մողերից, որ նոյնպէս մասնակցում էր թագաւորի կարգման։ Չնայելով տարածուած թիւր կարծիքներին, պար-

Թեները ջերմեռանդ զրադաշտականներ էին, սակայն հարկաւ ոչ այն աստիճանի, որքան Սասանեանները, որոնց հետ համեմատելով սրանց սիսալմամբ անտարբեր զրադաշտական են համարել։ Մակեդոնական շրջանը աւարտուած կարելի է համարել Սելեկեան մեծ պետութեան անկմամբ և Միթրիդատէօի պարթևական տէրութեան հաստատութեամբ (138), որի սահմանների մէջ չէր մտնում սակայն Հայաստանը, որ ինչպէս պատմութեան շարունակութիւնից կերեւի մի անկախ տէրութիւն էր եւ կարծ ժամանակ (14 տարի) նոյն իսկ զերիշխան դարձաւ առաջաւոր Ասիայում։

—○—

Բ.

ԱՐԵՎԱԿՈՒՆԵԱՆ ՇՐՋԱՆ

Պրատէս¹ Բ-ին յաջորդեց Միթրիդատէս Ա. 138 Քրիստոսից առաջ և շարունակեց իւր հօր սկզբան գործերը. սա էր որ սկիւթ աշխարհակալների ձեռքից խլեց Բակտրիոյ Մարգանա նահանգը։ Սրա ժամանակ տեղի ունեցաւ Սելեկեանց վերջին փորձը կորցրած գերիշխանութիւնը կրկին յետս գրաւելու համար. այդ ձեռնարկութիւնը պատկանում էր Անտիոքա է-ին, որ Սելեկեանց թագաւորների շարքում արիագոյնը կարող է կոչուել, և որ վերջ էր դրել բոլոր ներքին կոիւներին Ասորիքում, թագաւորական իշխանութեան գորութիւնը վերականգնել էր, նոյն իսկ ընկճել էր հրէաներին, առել էր երուսաղէմն և ստիպել հրէից, որ իրեն զօրք տան։

1 Գրամմերի վրայ կոյւում հ՝ Arsaces Theopator Euergetes Epiphanes Philhellēn.

Պարթևաց գէմ արշաւեց նա 130թ. 300,000 մարդոց բաղկացած մի բանակով, որի մէջ սակայն 80,000 հոգի միայն մարտիկ էին, իսկ մնացեան բանակի ազիսի պահապաններ ու ծառաններ էին: Պարթևաց սահմանները մտնելուն պէս բոլոր մանր թագաւորներն ու նահանգների բնակիչները միացան Անտիոքոսի հետ, երեք ճակատամարտում՝ յաղթող հանդիսացաւ և տիրեց մինչև Եկրատան: Պարթևաները կրկին իրենց նախկին նեղ սահմանների մէջ փակուեցան: Անտիոքոսն իւր բանակով ձմերեց Մարաստանում ուր իւր զօրքը մանր գնդերի բաժանեց և ցրուեց գիւղերն ու քաղաքները: Ասորական զօրքը իւր խիստ պահանջներով զրգուեց ժողովրդին, որ և գաւադրութիւն կազմելով մի ժամադրեալ օրուան մէջ յարձակուեց ասորական գնդերի վրայ և սկսաւ ջարդել: մինչ Անտիոքոսը օգնութեան էր դիմում իւր գնդերին, պատահեցաւ Փրատէսի 120,000 հոգուց բաղկացած բանակին և ճակատալով՝ պարտութիւն կրեց, ինքը վիրաւորուած փախստեամբ ազատուեց և թշնամու ձեռքը չընկնելու համար մի ժայռից գահավիժ եղաւ ու մեռաւ: Այս եղերական փախճանն ունեցաւ Սելեկեանց վերջին ձեռնարկութիւնն և սկսած 129 թուականից Պարթևներն ընդ միշտ ազատուեցան Ասորոց յարձակումներից: Փրատէսը շքով թաղման հանդէս կատարել տուաւ Անտիոքոսի համար, նրա աղջկանց

մէկին կնութեան առաւ իրեն և անդրանիկ որդուն Սելեկոսին, ուղարկեց Ասորիք որ իւր հօր գահն ամբառնայ: Պարթևաց թագաւորը արևմտեան թշնամուց ազատուելով՝ մի աւելի զօրաւոր թշնամի վաստակեց: Անտիոքոսից նեղուելով՝ նա դիմել էր Սկիւթների օգնութեան առատ վարձ խոստանալով: սակայն մինչև նրանց հասնելն, արդէն ինքն յաղթել էր թշնամուն, ուստի մերժեց Սկիւթների վարձը, նրանք էլ արշաւեցին և ասպատակեցին պարթևաց երկիրն և կողովտելով հասան մինչև Միջագետք: Փրատէսը նրանց գէմ ելաւ և կորի վ զլուխ ջարդուելով սպանուեցաւ ճակատամարտում 128 թ.:

Փրատէսին յաջորդեց Փիրապատիոսի երրորդ որդին, ԱրշաբԱննՈՍ Բ. (Արտաւան) հաշտութիւն արաւ Սկիւթների հետ, նրանց հարկ խոստացաւ տալ և հրաժարուեց տէրութեան արեւելեան բաժնում Դրանդիանայի հարաւային բաժնից, ուր Սկիւթներն հաստատուեցան և երկիրն էլ նրանց անունով սև Սակաստան կամ Սիստան կոչուեցաւ: Այս միջոցս մեծամեծ շփոթութիւններ են տեղի ունեցել Պարթևաց երկիրներում, որոնց մասին պատամութիւնը լուսում է, սակայն Արտաբանի հակառակ թագաւորող արշակունիների դրամները վկայ են այդ մասին:

Արտաբանին յաջորդեց իւր որդի Միթրի-

ԴԱՑԻՄ Բ ՄԵԾՆ: Սա պիտի թագաւորած լինի
123 թ. քիչ յետոյ:

Փրատակսի մահուանից յետոյ (127 թ. ից
առաջ) յաջորդեց Փիրապոտիոսի երրորդ ռողին՝
Արտաբանոս Ա. (Արտաւան), որ գրամների վրայ
կոչուում է Արշակ Թէոպատոր Նիկատոր: Սրա
ժամանակ պարթևաց տէրութեան մէջ ներքին
երկպառակութիւններ կային, որ գուշակում ենք
դրամներից: Արտաւանը պատերազմ մղեց Տոխա-
րացների գէմ և վիրաւորուելով մեռաւ շատ
կարծ միջոց իշխելուց յետոյ:

Սրան յաջորդեց իւր որդին, Միթրիդատէս Բ.
Մեծն, որ և եղաւ պարթևական տէրութեան
վերահաստատողն: Ծիշտ չէ կարելի որոշել Միթ-
րիդատէսի գահ բարձրանալու տարեթիւը: Հաւա-
նական է որ այդ տեղի ունեցած լինի 123 թ. Ք.-ից
առաջ: Պատմական ընդհանուր ձեռով մեզ հասած
տեղեկութիւնն առում է, որ սա շատ պատերազմ-
ներ մղեց և յաղթեց սկիւթացիներին մի քանի
անգամ: Երեսում է որ Միթրիդատէսի ջանքն է
եղել ձեռք բերել իւր նախորդների կորցրածները:
այսպէս նա հաստատեց նախկին արևելեան սահ-
մանն և արևմուտքում վերջնական սահման դար-
ձլրեց Նիքատը, որ այնուհետև միշտ իբրև պար-
թեական սահման նկատուեց:

Իւր թագաւորութեան վերջին օրերում այն-

քան զօրացել էր Միթրիդատէսն, որ վատահացաւ
խառնուելու Մեծ Հայքի գործերի մէջ: Նախընթաց
մի պատերազմից յետոյ Հայաստանի թագաւորն
ստիպուած էր եղել իւր որդուն, Տիգրան Բ-ին,
պատանդ տալու պարթեւներին: Արդ՝ Միթրիդա-
տէսն Տիգրանին թագաւորելու նպաստեց հակա-
ռակ Արտաւազդ Ա-ի (հաւանօրէն Տիգրանի ասագ
եղօրն) եւ զէնքի ուժով հայոց զանի վրայ բազ-
մեցրեց սրան 94 թ. Ք.-ից առաջ: Ի տրիտուր
այս ծառայութեան Տիգրան պարտաւորուեցաւ
պարթեւաց թագաւորին տալ Հայաստանից 70
հովիտ:

Իբրև Միթրագետքի տէր Միթրիդատէսն յա-
րաբերութիւն սկսաւ Հւովմի հետ և բանագնացու-
թեան մէջ մտաւ Կիլիկիոյ պրէտոր Սուլլայի հետ
92 թուին: Այս բանագնացութեան նպատակն էր
Ասորիքի մասին ունեցած պարթեական դիտաւո-
րութիւնները, որովհետև այդ միջոցին պարթևները
կուիւ էին մղում Կոմմագէնի Լաոդիկէա թագուհու
հետ, որին օգնում էր Անտիոքոս Ժ.: Քիչ ժա-
մանակ յետոյ պարթեները խառնուեցան Սե-
լեկեանների ներքին կուիւներին և 88-ին գերի
բռնուեցաւ Դամասկոսում թագաւորող Դեմետ-
րիոսը, որ Միթրիդատէսի պալատում մնաց ապա
մինչև իւր մահը: Այս յաջողութիւնից քիչ յետոյ
պէտք է մեռած լինի Միթրիդատէսը:

Միթրիդատէսին յաջորդեց Արտաւան թ. 4
սրանից յետոյ «արքայից արքայ» տիտղոսը սեփականեց իրեն մի ոչ պարթեւ, Տիգրան թ. Հայաստանի թագաւորը, եւ այնպէս տկարացրեց պարթեւաց զօրովթիւնը, ինչպէս ոչ ոք չէր կարողացել: Երբ 86 թուին նրան Ասորիքի մի մասում՝ թագաւոր ճանաչեցին, այդ ընտրովթիւնն արդարացնում էին նրանով, որ Տիգրանը դաշնակից էր Պարթեւաց, սակայն շատ ըստ տեսեց, որ պարթեւներն ներքին եւ արտաքին կոհեների շնորհիւ այնքան տկարացան, որ հայոց հետ էլ համեմատուել կարող չէին:

Պարթեական այս ներքին շփոթութիւնների միայն վերջին գործողութեան հետ ենք մենք ծանօթ. ԴԴ թուին Սինատրուկէսը Սակարառուկների երկրից եկաւ և թագաւորեց 80 ամեայ հասակում 7 տարի: Սակայն հազիւ թէ սա միակը լինի այն գահ յափշտակողներից: որոնք այդ շրջանում իշխել են պարթեաների երկրում: Այս ժամանակից դրամներ չունինք մենք, որևէ ապացոյց է խառնակ

1. Trogus-ի գրի մէջ ներս սպրդած մի խանգարման հիման վրայ այսպէս է դասաւորում Գուշշմիդ պատմական դէպինը, որովհետեւ „Successores deinde eius Artabanus et Tigranes... situs“ 41. գրում յինելու դիմասեակ պիտի լիմեր 42. գրի մէջ: Այս կերպութեան մէջ դրամները, որոնք կրում են «Արշակ Եւերգետէս Փիլիելէմ» դրումք:

Փիճակի: Տիգրանը տիրեց Մարաստանին կամ նրա այն մասին, որ Ասորապական էր կոչուում, բայց նա մնաւ եւ պարթեւաց պատկանող Մեծ Մարաստանը, աւերեց Աղքապանանը, Եկրատանի կառավարչի ղղեակը, որ միայն 10 հազարամէտր հեռու է Եկրատանից: Այս քաղաքը Արշակունիների մայրաքաղաքն էր Փրատիէս թ-ից սկսած մինչեւ Միթրիդատէս թ..: Այն 70 հովիտները, որ Տիգրանը տուել էր երեմս պարթեւաց թագաւորին ի գին իւր թագաւորելուն, այժմ յետ իւլեց: Տիգրանն աւերեց նինուէի եւ Արքելայի շրջակայքն եւս, նա նուածեց պարթեւաց հպատակ Աղիաբէնէի թագաւորովթիւնն եւ Միջազետը Մծքին ամբոցով: Այս կոհեներից վերջինը Տիգրանը վարեց Սինատրուկի հետ, հաւանօրէն այս կոհւը ղեռ շարունակուում էր, երբ պղնտոսի թագաւոր Միթրիդատէս (Միհրդատ) օգնովթիւն կանչեց երկու թագաւորներին եւս, բայց իզուր:

Սինատրուկէսին յաջորդեց իւր որդի Փրատատէս (Հրահատ) թ. 70 թուակ. Քր. առաջ: Այս թագաւորն էլ անուշառիր թողեց Տիգրանի եւ Միթրդատի 69 թ. իրեն ուղղած օգնովթեան կոչը, չնայելով որ հայոց կողմից իւրեւ օգնովթեան վարձ առաջարկուած էին Միջազետը, Աղիաբէնէն եւ 70 մեծ հովիտները, այսինքն այն բոլոր երկիրները, որ կալուած էին մի ժամանակ պար-

Թեւներից: Փրատէսը ոչ միայն չօգնեց Տիգրանին, այլ դաշն կոեց հոռմայեցիների հետ միջնորդութեամբ Հուկուլոսի ուղարկած դեսպանների. բայց երբ այդ դաշնադրութիւնը վերջնականապէս հաստատելու համար Հուկուլոսը ուղարկեց նորա մօտ Սիստինուսին, պարթեւաց թագաւորը սկսեց կաւկածել հոռվմայեցոց անկեղծութեան վերայ, որովհետեւ Սիստինուսը նորան աւելի լրտես երեւեցաւ, քան թէ դեսպան: Վերջապէս յարմարագոյն համահեց նա չեզոք մնալ: Պոմպէոսը դեռ չնասած պատերազմի դաշտը՝ դաշն կոեց Փրատէս Գ-ի հետ նոյն պայմաններով, որ առաջարկում էին Միհրդատն ու Տիգրանը. բայց դրանից Պոմպէոսը դրեց պարթեւաց թագաւորին յարձակումն զործելու Հայաստանի վրայ: Դրա համար այդ միջոցին մեծ յարմարութիւն եւս կար, որովհետեւ Տիգրանի որդի եւ զահակից կրտսեր Տիգրանը իւր հօրից քաժանուել էր եւ փախել պարթեւների մօտ ապաստանել: Փրատէս նրան շատ լաւ ընդունեց, ամուսնացրեց իւր աղջկանց մէկի հետ եւ նրա առաջնորդութեամբ մի արշաւանք ձեռնարկեց դէպի Հայաստան 66 թ.: Ճերունի Տիգրանը փախաւ դէպի լեռները, պարթեւները հասան մինչեւ Արտաշատ եւ պաշարեցին քաղաքը, բայց որովհետեւ պաշարում երկարեց, ուստի Փրատէսը յետ դարձաւ իւր գօրաց մի մասը թողնելով կրտսեր Տիգ-

րանի մօտ: Սա միայնակ չէր կարող իւր հօր դէմ դնել. մի կատարեալ պարտովծին կրելուց յևսոյ փախաւ Պոմպէոսի մօտ, որ պատրաստուում էր Հայաստան մասնելու: Հայր Տիգրանը անսպասար անձնատուր եղաւ Պոմպէոսին եւ հակառակ իւր սպասածին յաջող պայմաններ ստացաւ: Պոմպէոսը նորան յանձնեց իւր ապստամբ որդուն առանց որ եւ է պայմանի, որին ապա Տիգրանը կապանքների մասնեց: Փրատէսը, որ այդ միջոցին տիրել էր այն երկիրներին, որ երբեմն պատկանում էին պարթեւներին եւ որ հոռվմայեցիք դաշնադրութեամբ պարթեւներին էին թողել, ուղարկեց դեսպաններ Պոմպէոսի մօտ, իւր փեսայի համար միջնորդութիւն անելու (65): Բայց Պոմպէոսը կարիք չունենալով այլ եւս պարթեւական դաշնակցութեան, մերժեց Փրատէսի իմուլիքը եւ ընդհակառակն պահանջեց, որ պարթեւները ուուր գան Կորդուէնէից. բայց որովհետեւ պարսիկ դեսպանները այդ մասին հրահանգ չունէին, ուստի ինքը թուղթ գրեց Փրատէսին, եւ առանց այդ թղթի պատասխանին սպասելու, Աֆրիանոս զօրավարի միջոցով ուուր վոնտեց Կորդուէնէից պարթեւաց զօրքը եւ երկիրը յանձնեց Տիգրանին: Աֆրիանոսը պարթեւներին հալածեց մինչեւ Արքէլիսիս եւ ապա Միհրագետքով դարձաւ դէպի Ասորիք, չնայելով որ դաշնադրութեամբ Միհրա-

գետքը պատկանում՝ էր պարթեւներին։ Պոմպէոսը իւր թղթի մէջ զլացել էր Փրատէսին «արքայից արքայ» տիտղոսը, չնայելով որ առաջ հուվմայեցիք ընդունել էին Փրատէսի «արքայից արքայ» լինելը։ Պոմպէոսը այլպէս էր վարուել անշուշտ և յարգանս Տիգրանի, որ ինքն իրեն միակ «արքայից արքան» է համարում, որի այդ իրաւունքը ճանաչել էին եւ Փրատէսի թոյլ նախորդները։ Այն չորս թագաւորներից, որոնց հպատակութեամբ «արքայից արքայ» տիտղոսին էր արժանացել Տիգրանը, մենք ճանաչում ենք երեքին, այն է՛ Ատրպատականի Աղիաքէնէի եւ Կորդուէնէի թագաւորներին։ Չորրորդ երեսի Ուռայի թագաւորն էր այս բոլոր երկիրներն էլ մի ժամանակ պարթեւներին էին հպատակ, ուստի երբ Փրատէսը պարթեւաց տէրութեան այս կորուստները եւ մանաւանդ այս փոքրիկ թագաւորութիւնները կրկին պարթեւական իշխանութեան տակ նուածեց՝ իրեն սեպհականեց «արքայից արքայ» տիտղոսը, ինչպէս այդ ցոյց են տալիս նորա դրամները։ Պարթեւաց թագաւորներից վերջինը Միհրատ առաջինն էր, որ Տիգրանից առաջ կրում էր այդ տիտղոսը։ Փրատէսի դրամների վրայ հետեւեալ վերնագիրը կայ. «Արքայից արքայ Արշակ Դիկայոս Եպիփանէս Թէոս Եւպատոր Փիլիսլէն»։ Զընայելով Պոմպէոսի արհամարհական վարժունքին

Փրատէսը նախ մի դեսպանութիւն ուղարկեց, պահանջելով դաշնապրութեամբ որոշուած Նիֆրատի սահմանագիծն ընդունել, բայց Պոմպէոսից ստացաւ մի յանդուզն պատասխան։ Երբ Պոմպէոսը Ասորիքում էր 64 թ. օարնանը, Փրատէսը արշաւեց Տիգրանի դէմ ու յաղթեց նորան. զուր տեղը Տիգրանը դիմեց Պոմպէոսի օգնութեան, որ պատասխանեց թէ իրան իրաւունք տուած չէ Պարթեւների դէմ պատերազմ՝ դուրս գալու, ինքն էլ կարող չէ մի այլպիսի պատերազմի պատասխանատութիւնն յանձն առնել, քանի որ Միհրատն ընկծուած չէ։ Այսուամենայնիւ երբ Փրատէսն էլ դեսպաններով միջնորդութեան դիմեց, Պոմպէոսը երեք մարդ ուղարկեց այդ վէճը վճռելու համար։ Տիգրանը եւ Փրատէսը այնքան խոհեմ գտնուեցան, որ ընդունեցին հուվմայեցիների վճիռը։ Հովվմայեցիք այս բոլոր պատերազմների ընթացքում զրգուել էին պարթեւներին, բայց պարթեւները այնքան տկարացած էին որ կարող չէին պատերազմ սկսել չորվմի դէմ։ Պարթեւական տէրութիւնը հազիւ ներքին եւ արտաքին պատերազմներց ազատուել էր եւ սկսել էր կազդուրուել։

Հարիւր յիսուն տարուց աւելի տեսել էր Արշակունիների տան մէջ ներքին համաձայնութիւնը, որպիսի օրինակ չկայ արևելեան բոնակալների հարստութեանց մէջ։ Այսուամենայնիւ Արշա-

կունեաց տան մէջ ևս սկսեց երեխլ գէպի վատը
գնալու ձգառւմը, որ յատուկ էր բոլոր արևելեան
բռնակալութիւններին: Փրաատէս Գ.ը. որին պար-
տական էին պարթեները իրանց աէրութեան վերա-
կանգնումը, սպանուեցաւ 57 թ. իւր երկու որ-
դուոյ ձեռքով: Սրանցից Որոգէս կամ Հիւրոգէս
առաջինը ժառանգեց պարթեական գահը, իսկ նրա
եղբայր Միհրդատ Գ.ը. թագաւորեց Մարաստա-
նում: Դրամների վրայ Որոգէս կոչուում է՝ «Որո-
գէս արքայից արքայ», իսկ Միհրդատը՝ «մեծ ար-
քայ»: Սրան իւր անզթութեան համար պարթե-
աւագանին վանաեց Մարաստանից և Որոգէսը մնաց
միակ թագաւոր: Միհրդատը փախաւ Ասորիքի կու-
սակալ Գարենիուսի մօտ, որ Եփրատն անցել և
Միհրդատին զէնքի ուժով իւր գահի վրայ էր ու-
զում հաստաելյ երբ հրաման ստացաւ Պոմակոսից
գառնալ Եղիպատոս և իւր գահի վրայ բազմեցնել
Պտղոմէոս ԺԱ.ին, որին այնաեղից դուրս էին քշել:
Գարինիուսը Միհրդատից ազատուելու համար
յայտնեցնրան, որ բանակից հեռանայ, իսկ զինուոր-
ներին յայտաբարեց, որ նա փախել է: Միհրդատը
միայնակ փորձեց իւր բազդը և կարողացաւ գահը
խլել Որոգէսից, սակայն այս յաղթութիւնը եր-
կարատե չեղաւ, որովհետեւ Որոգէսին օգնեց պար-
թեաց թագադիր նախարարութեան նահապետ
Սուրէնը, որին անձնատուր եղաւ Միհրդատը.

Որոգէսը իւր իսկ աչքի առաջ սպանել տուաւ-
եղբօրը:

Այս գէպերը երկարել էին մինչեւ 54 թ.,
երբ յանկարծ պարթեական հողի վրայ երեւցաւ
առանց որ և է պատճառի, միմիայն աւարի յուսով՝
Կրասոս հռովմայեցի զօրավարը: Թեթեւ յաղթու-
թիւնից յետոյ Կրասոսը Ասորիքում՝ ձմերեց եւ
յաջորդ տարին պատերազմ՝ սկսելով չհետեւեց
իւր դաշնակցի՝ հայոց Արտաւագդ Բ. Թագաւորի
խորհրդին, որ հրաւիրում էր նորան Հայաստանի
վրայով յարձակուել պարթեւաց տէրութեան վրայ,
խոստանալով հոռվմայեցի զօրավարին ամեն սե-
սակ օգնութիւն: Կրասոսը ձմերոցներից նոր էր
դուրս գալիս, երբ պարթե զեսպանները եկան յե-
շեցնելու նորան իւր անիրաւ վարմունքը, որ ա-
ռանց չետեանքի մնաց: Պարթեները ձմեռը պատ-
րաստուել էին, Սուրէն զօրավարը Միհրդատէսքից
քշել էր սակաւաթիւ հռովմայեցի պահակներին և
մեծ հեծելազօրքով դիմում էր Կրասոսի գէմ:
Որոգէս թագաւորը արշաւեց Հայաստանի վրայ, որ
Արտաւագդին պատժէ հոռվմայեցիներին առաջար-
կած օգնութեան համար, եւ թոյլ չտայ խոստա-
ցած օգնութիւնը հասցնելու: 53 թ. յունիսի 6-ին
Միհրդատը աեղի ունեցաւ այն մեծ ճակատա-
մարտը, որի մէջ Սուրէնը մեծ յաղթութիւն տա-
րաւ հռովմայեցոց վերայ, նոցա զօրքից սպանելով

մօտ 20 հազար մարդ՝ որոնց մէջ Կրասոսի որդուն,
իրեն Կրասոսին, 10 հազար հոգի էլ գերելով:
Սուրէնը Կրասոսի զլուխը և ձեռքը ուղարկեց
Հայաստան Որոդէս թագաւորին. յաղթութեան
նշանը հասաւ այն ժամանակ, երբ Որոդէս խա-
ղաղութիւն էր հաստատել Արտաւազդի հետ և
տօնում էր նրա քրոջ Հարսանիքը իւր աւագ որդի
Բակուրի հետ: Կրասոսին յաղթող Սուրէնի վիճակը
շատ զառն եղաւ, որովհետեւ Որոդէսը վախենալով
նրա մեծ հռչակից, հրամայեց սպանել նրան: Պար-
թեները չկարողացան իրենց յաղթութիւնից օգուտ
քաղել. 52 թ. միայն մի փոքրիկ բանակ ուղար-
կեցին Ասորիք, որտեղից նրանց հեշտութեամբ յետ
վանեց Կասիոսը: Միայն յաջորդ տարին մի մեծ
բանակ ուղարկեցին պարթեները արքայորդի թա-
գաւորի և Օզակէս զօրավարի առաջնորդութեամբ
գէպի Ասորիք, ուր հռովմայեցիք շատ քիչ գնդեր
ունեին և տեղացի ժողովուրդն էլ դժոհն էր հը-
ռովմէական խստութիւնից: Սեպտեմբերին 51 թ.
Կասիոսը մի փոքրիկ յաղթութիւն տարաւ պար-
թեների վերայ, որին զոհ գնաց և Օզակէս: Բա-
կուրը ձմերեց Ասորիքում և Միջագետի սատրապ
Օրօնդապատէսը գժգոհ Որոդէսից ապստամբեց և
Բակուրին թագաւոր հռչակեց, որից կասկածե-
լով Որոդէսը յետ կանչեց նորան իւր զօրքով:
Այսպիսով 50 թ. յուլիս ամսին Ասորիքը մաք-

րուեցաւ բոլորովին պարթեներից:

Հօր և որդու երկապառակութիւնը հաշառւ-
թեամբ վերջացաւ. Որոդէսը Բակուրին իրեն գա-
հակից նշանակեց, այսուամենայնիւ պարթեները
չօգտուեցան հռովմայեցւոց տէրութեան նեղ վի-
ճակից, թէպէտ և ներքին կոիւների ժամանակ
պարթեները օգնութեան էին հասնում թոյլ կու-
սակցութեանը, որպէս զի նա ոյժ ունենայ կոիւը
երկարացնելու, սակայն այդ օգնութիւնն էլ այն-
քան աննշան էր, որ չէր կարողանում իւր նպա-
տակին հասնել:

Եռապետութեան անդամների ներքին կոիւ-
ների ժամանակ էլ պարթեները չկարողացան հան-
գամանքից օգուտ քաղել, միայն 40 թուականին
Որոդէսը լսելով իրեն ապաստանած հռովմայեցի
Քուինտուս Լաբիկենոս զօրավարին՝ մի մեծ բա-
նակ ուղարկեց նորա և Բակուրի առաջնորդու-
թեամբ գէպի Ասորիք: Պարթեական բանակը նուա-
ճեց ամբողջ Ասորիքը: Բարզափրան սատրապը
մուաք զործեց Պաղեստին և մեծ ուրախութեամբ
ընդունուեցաւ Հրէաներից, որոնք դժոհն էին Հե-
րովդէսի կառավարութիւնից: Բարզափրանը Երու-
սաղէմում թագաւորեցրեց Անտիփոնոսին: Բակուրը
իւր մեզմ կառավարութեամբ սիրելի դարձաւ
նուաճած երկրներում: Լաբիկենոսը յառաջ խա-
զաց, տիրեց Կիլիկիային և փոքր Ասիային, բայց

Երբ 39 թ. Անտոնիոսի գօրավար Ալինաիլիուս
Բապուսը նրա դէմ եղաւ, ստիպուեցաւ յետ նա-
հանջել մինչև Տորոս, ուր Բասուսը յաղթեց պար-
թեական բանակին, ցրուեց Հարիենոսի նոր ժողո-
ված լէգէոնները: Հարիենոսը փախաւ Կիլիկիա և
բռնուելով գլխատուեցաւ: Մի երկրորդ ճակատա-
մարտում պարթեները կրկին յաղթուեցան և
ստիպուեցան թողնել Ասորիքը և Պաղեստինը պար-
թեների և Հռովմայեցւոց երրորդ ճակատամարտը
տեղի ունեցաւ 38 թ. յունիսի 9-ին և վերջացաւ
պարթեների կատարեալ պարտութեամբ: Բակուրը
ընկաւ այս ճակատամարտի մէջ: Սրանից յետոյ
Ասորիքն ու Պաղեստինը կրկին ընկան Հռովմայե-
ցւոց իշխանութեան ներքոյ:

Որոգէոը իւր սիրելի որդու մահուամբ սաս-
տիկ ընկնուեցաւ: Բակուրի տեղը նա թագաւոր
կարգեց իւր երկրորդ որդի ՓրԱԱՏՀՍԻՆ, որ իւր
եղբայրներին սպանել տոււաւ և այդ բանի մասին
հօր դժգոհութիւնը լսելով, նրան էլ հրամայեց
խեղել 37 թ. Որոգէոը պարթեաց թագաւորու-
թեան զօրութիւնը հասցրեց իւր գագաթնակէտին:
Նա իւր զբաների վերայ կոչում է իրեն «Արքա-
յից արքայ Արշակ Եւերգետէս Դիքայոս Եպիփա-
նէս Փիլհելլէն»: Հելլենասէր տիտղոսը կրում էր
նա իրաւամբ, որովհետեւ խօսում էր յունարէն և
չետաքրքրում յունական գրականութեամբ, մինչեւ

անգամ իւր որդու հարսանիքի ժամանակ Արտա-
շատում ներկայացնում էին Եւրիպիդէսի կատակելո-
գութիւններից մէկը: Որոգէոը պարթեական տէրու-
թեան մայրաքաղաքը դէպի արևմուտք փոխագրեց,
և արա ու Բակուրի ժամանակն էր, որ Տիգրոնը
տէրութեան իսկական մայրաքաղաքը դարձաւ:

Փրատատէս Դ-ը իւր թագաւորութիւնը
սկսեց կոտորելով իւր եղբայրներին և սպանել
տալով նոյն իսկ իւր որդուն: Նրա անգթութիւ-
նից երկիւղ կրելով աւագանին, սկսաւ փախչել
օտար երկիրներ: Անտոնիոսը յարմար ժամանակ
համարելով պարթեներին ընկճելու, պատրաստուեց
յարձակումն գործելու նրանց վրայ: Պարթեաց
տէրութեան հիւսիսային կողմից սահմանակից մանր
տէրութիւնների յարաբերութիւնները հետեւալ
կերպով էին կազմակերպում. 67 թ. Ատրպատա-
կանի Մարաստանում թագաւորում էր Տիգրանի
փեսայ Միհրդատը նրա գերիշխանութեան ներքոյ,
65 թ. Միհրդատի յաջորդող Դարեհը հպատակու-
թիւն էր յայտնել Պոմպէոսին, իսկ քիչ յետոյ
չայատանի հետ միասին Ատրպատականն էլ ըն-
կել էր պարթեւական գերիշխանութեան ներքոյ:
Մինչեւ Բակուրի մահը չայատանը մնաց պար-
թեւաց գերիշխանութեան տակ, իսկ ապա կրկին
մանաշեց հոռվիշական գերիշխանութիւնը: Անտո-
նիոսը համոզուած լինելով, որ Եփրատի սահմանը

դժուար է անցնել, վճռեց Հայաստանի վերայով յարձակումն գործել նախ Ատրպատականի եւ ապա բուն Պարսկաստանի վերայ: Մինչ խաղաղութեան բանակցութիւններով գրադեցնում էր պարթեւաց Թագաւորին, 36. թ. մոտ Հայաստան, որտեղից օգնական առաւ 6 հազար հայ հեծելազօր, մոտաւ Ատրպատական, պաշարեց Փրասապա մայրաքաղաքը, ուր ապաւինել էին Արիոբարզանէսի որդի Արտաւազդ Թագաւորի կանայքը եւ որդիքը: Մարաց Արտաւազդ Թագաւորը զնացել էր Փրասատէսին օգնութեան: Պարթեւաց թագաւորը հազիւ 40 հազար զօրք ունէր դէմ դնելու հոռվմայեցիներին: Փրասատէսն ու Արտաւազը յարձակուեցան Անտոնիոսի վերջապահ զնիվ վերայ եւ ջարդեցին 7,500 մար: Հայոց թագաւոր Արտաւազդը այնպիսի սարսափ զզաց այս հոռվմէական պարտութիւնից յետոյ, որ իր 13 հազար մարդուց բաղկացած բանակով յետ փախաւ դէսի Հայաստան, առանց անզամ՝ փորձ փորձելու Անտոնիոսի բանակին միանալու: Պարթեւաց բանակի շարունակ յարձակութիւն ստիպուած, Անտոնիոսը բանակցութիւն սկսեց Փրատատէսի հետ, որ թոյլ տայ իրեն զօրքով միասին յետս նահանջելու: թէպէտ և Փրատատէսը համաձայնուեց բայց երբ Անտոնիոսը պաշարումը վերցրեց և սկսեց յետս նահանջել, Փրատատէսը հա-

լածեց նրան մինչև Հայաստանի սահմանը՝ մեծ կովուստներ պատճառելով: Անտոնիոսի բանակը կիսով չափ սպառուած, հիւանդութիւնից սովից և ցրտից նեղուած, մոտաւ Հայաստան եւ անշուշտ սուրովին կշնջուէր, եթէ Արտաւազդ Թագաւորը իրաւունք տուած ըլինէր Հայաստանում ծմերելու: Հռովմայեցւոց այս պարտութեան գիւտաւոր պատճառն իրենց աշխարհագրական տղիտութիւնն էր և Անտոնիոսի շուտափոյթ պատերազմական ձեռնարկութիւնները, սակայն նրանք միշտ սովոր են եղել մեղքն ուրիշի վրայ ծգելու, այս անզամ՝ էլ իրենց պարտութեան պատճառ համարեցին Հայոց Արտաւազդ Թագաւորին:

Հռովմէական բանակի աւարը բաժանելու միջոցին, Մարաց Արտաւազդ Թագաւորի բաժինը քիչ ընկաւ, ուստի և նա դժգոհ Փրատատէսից, բանակցութեան մէջ մտաւ 35 թ. Անտոնիոսի հետ: Երբ Անտոնիոսը իորամանկութեամբ Հայոց թագաւոր Արտաւազդին, որ իրը թէ իրեն դաւաճանել էր, գերի բռնեց եւ Հայաստանը նուածեց 33 թ., Արաքսի ափին տեսակցութիւն ունեցաւ Մարաց Արտաւազդի հետ, եւ դաշն կռեց. Հայաստանի արևելեան մի մասը նրան տուաւ, հռովմէական օգնական գնդեր ուղարկեց նրան պարթևաց ընդդէմ, որի փոխարէն ինքն էլ Մարաց գնդեր ստացաւ Ոկտափանոսի գէմ: Պատերազմի միջո-

ցին Հայոց թագաւոր Արտաւագլի որդի Արտաքսիաս կամ՝ Արտաշէս Բ-ը ազատուելով Անտոնիոսի ծեռքից՝ փախել էր պարթեաց թագաւորի մօտ, որ պարթեական զօրքով յետ էր բերել նրան Հայաստան թագաւորեցնելու։ Մարաց թագաւորը օգնութեամբ հոռվմէական գնդերի յետ վանեց պարթեւներին։ Սակայն երբ Անտոնիոսը Ակցիումի ճակատամարտի ժամանակ յետ կանչեց իւր զընդերը առանց Մարաց զօրքերը յետ ուղարկելու, Արտաւագը անօգնական մնաց, յաղթուեց պարթեւներից եւ զերի ընկաւ նոցա ծեռքը։ Մարատանն ու Հայաստանը կրկին ընկան պարթեաց զերիշխանութեան ներքոյ. հոռվմէական պահակ զօրքը Հայաստանում՝ ջարդուեցաւ եւ Արտաշէս Բ-ը բարձրացաւ իւր հայրենի գաճը 32 թ. Քրիստոսից առաջ։ Մի տարի յետոյ, պարթեաց տէրութեան ներքին խոռվութիւնների միջոցին, Մարաց Արտաւագլ թագաւորը փախաւ եւ ապահնեց հոռվմայեցիներին, իսկ Հայոց Արտաշէս թագաւորը յոյս չունենալով պարթեաց պաշտպանութեան վերայ՝ ըարեկամիւթեան դաշն հաստատեց հոռվմայեցիների հետ։

Փրատանի անդժութիւնների պատճառով ներքին խոռվութիւններ բարձրացան Պարսկաստանում 33 թուականից մինչեւ 27 թ. Փրատանի հակառակ թագաւորեց Տիրիդատէս Բ-ը, որ նաև

պարտութիւն կրելով ապաւինեց հռովմայեցիներին, այնտեղից կրկին յարձակուեց պարթեաց տէրութեան վերայ և Փրատանին հալածելով թագաւորեց նրա փոխանակ։ Փրատանին ապաւինեց Սկիւթացւոց և նրանցից օգնութիւն գտնելով 26 թ. յուղիսին կրկին նստաւ իւր գահը։

ՀՊՈՎՄԱ. — ՊԱՐԹԵՒԱԿԱՆ ՊԱՏԵՐԱՋՄՆԵՐԸ
ՀԱՅԱՍՏԱՆԻ ՀԱՄԱՐ.

Փրատանի Դ-ի երկրորդ անգամ գահակալութիւնն առիթ եղաւ հռովմայեցիների պարթեական գործերին խառնուելուն։ Օգոստոս կայսրը բռնեց Փրատանի կողմն և դրա փոխարէն ստացաւ նրանից Կրտսոսի և Անտոնիոսի պարտութեան ժամանակ պարթեների ձեռքն անցած դրօշներն ու գերիք։ Այս գեպքը տեղի ունեցաւ 20 թուին Քրիստոսից առաջ, երբ Օգոստոսը Ասորիքութիւն էր։ Նելքին խռովութիւնները տեսցին Պարսկաստանում մինչեւ 9 թ. Քրիստոսից առաջ միջոցին Փրատանի փոխանակ երեք տարուչափ իշխեց Միթրիդատէս Դ. նոյն ժամանաւ

կում ինքնուրունութիւն ձեռք բերին և Մալքր
որոնք Հռովմից ինդրեցին և ստացան իրենց Ար-
տաւազգ թագաւորի որդի Արփոքարզանէս Բին,
իրեւ թագաւորու: Փրաատէսը երրորդ անգամ գա-
հակալեց 10—9 Քրիստոսից յետոյ և երկիւդ
կրելով ներքին խոռովութիւններից, իւր 8 որդիքն
ու երկու կանայքը հռովմ ուղարկեց իրեւ պա-
տանդ, Պարսկաստանում մնաց միայն մի իտալա-
կան սարկուհու, Թէա Մուզա Ուրանիայի ման-
կահասակ որդին, որ գահաժառանդ էր նշանա-
կուած: Սա էր որ իւր մօր սադրանօք սպանեց
հօրն ու նրա տեղը թագաւորեց:

Նոր թագաւորած Փրաատէս Ե. կամ ինչ-
պէս սովորաբար կոչուում է Փրաատակէսը նպաս-
տեց հայկական ապատամբութեան՝ ընդում Ար-
տաւազդ Գ.-ի, որ Հռովմէացոց պաշտպանեալն էր:
Հայերը պարթեաց օգնութեամբ դուրս վլողեցին
իրենց երկրից Արտաւագլին եւ նրա պաշտպան
հռովմէական գունդն եւ թագաւորեցրին պարթե-
աց Տիգրան Դ.-ին: Նոյն միջոցին Մարաստանից
արտաքսուեցաւ և Արփոքարզանէս Բ., Օգոստոս
կայսրը արևելեան գործերը կարգի բերելու համար
ուղարկեց իւր թոռն Գայիոս կեսարին գէպի Ասո-
րիք. Հայոց թագաւոր Տիգրան Դ. շտապեց հո-
ռովմէացոց հետ հաշտուելու եւ նրանցից թագա-
ւոր ճանաչուեցաւ: Փրաատէսն եւս իսակառութեան
ուր ճանաչուեցաւ:

Դաշն կոեց Գայիոս Կեսարի հետ, հրաժարուելով
Հայաստանի գերիշխանութիւնից (1. Քրիստոսից
յետոյ):

Փրաատէսը երկար չիշխեց, 4 թուին Քրիս-
տոսից յետոյ տեսնում ենք նրան Հռովմէական
սահմաններում, ուր իւր երկրից հալածուած մե-
ռաւ: Սրան յաջորդեց Որոդէս Բ. աքսորից դառ-
նալով, իւր անագորոյն բարքի համար ատելի գար-
ձաւ և որսի ժամանակ սպանուեցաւ (6. Քրիստ-
յետոյ):

Պարթեաները գեսպաններ ուղարկեցին Հռովմ-
է Օգոստոսից ինդրեցին որ Փրաատէս Դ.-ի որդի-
ներից մէկին իրենց վրայ թագաւորեցնէ, ընարուե-
ցաւ Փրաատի տւագ որդին, Վլոնոնէսը, որ իւր
կրթութեամբ բոլորովին խորթացել էր պարթեանե-
րից, ուստի շուտով ատելի գարձաւ և նրա փոխա-
նակ թագաւորական գահին տիրելու հրաւիրուեցաւ
Ատրպատականի արքայ Արտարանէս, որ մայրական
կողմից ~~արշակունի~~ էր (10. Ք. յ.): Վլոնոնէսը
յաղթուեցաւ (16. թ.) եւ փակաւ Հայաստան,
ուր հէնց այդ միջոցին անիշխանութիւն էր, ուստի
եւ ժողովուրդը նրան թագաւորեցրեց:

Արտաքանէս Գ. չէր կարող թոյլ տալ, որ
իւր հակառակորդը հարեան երկրում թագաւորէ,
ուստի պատերազմ սպանաց Հռովմէացոց, եթէ
մտադիր լինէին պաշտպանել Վանոնեսին: Տիգրելոս

կայսրը խաղաղութիւն էր ցանկանում, ուստի զիջաւ, մանաւանդ երբ տեսաւ, որ Վասպուրականի եւ Բագրեւանդի ազատանին Արտաքանի կողմէ է: Վոնոնէսը թողեց Հայաստանն եւ անցաւ նախ Ասորիք եւ ապա Արտաքանի պահանջմամբ քաշուեց Կիլիկիա, որտեղից փախստեան մի անյաջող փորձ անելու միջոցին սպանուեցաւ (19 թ.):

Դաստիարակութեան պահպանի պատմութեան մասին
Պարթևների իշխանութիւնը քայլեցաւում
էր, տէրութեան զանազան ծայրերում անկախ իշխանութիւններ էին կազմում, արքան շարունակ պատերազմներ էր մղում ապստամբների դէմ: Արտաքանէսը ոչ միայն ապստամբներին ընկճեց, այլ և կարողացաւ հարևան աղքերին երկիւղ ազգել: Հայաստանում թագաւորեցրեց իւր անդրանիկ Արշակ որդուն և հռովմեց միաժամանակ ակսաւ Կապատօպկիան անգամ պահանջել՝ որովհետեւ այնտեղ իրանեան ազգեր էին բնակում:

Առաջին դարում հոռվմա—պարթեւական թուր պատերազմների սկզբնապատճառն Հայաստանի վրայ ունենալիք գերիշխանութիւնն է: Հոռվմի կայսրներից ամենախաղաղաէրն անզամ չէր կարող թոյլ տալ, որ պարթեւների գերիշխանութիւնը ժանաչուէր Հայաստանի վրայ, ուստի Տիրերիոսը Արտաքանի դէմ նոր թշնամիք յարդյց: Վրաց (Իբերացոց) Փարասմանէս թագաւորին հոռվմայեցիք որդեցին, որ իւր եղբօրը, Միթրիդատէսին»

Հայոց զահի ժառանգ ներկայացնէ: Արշակին սպանմացին իւր կաշուուած ծառայրը, վրացիք հեղեղեցին երկիրը իրենց հրոսակներով եւ տիրեցին Արտաշատ մայրաքաղաքին (35 թ.): Երբ որանից յետոյ Արտաքանը իւր միւս որդուն, Որոդէսին, զօրքով Հայաստան ուղարկեց իւր եղբօր սպանման վրէժն առնելու եւ նրա զահը ժառանգելու, Փարասմանէսը դաշն կռեց Ալբանների (Աղուանից) թագաւորի հետ եւ ձեռնարկեց մի այլ աւելի վրտանգաւոր գործ, որի շնորհի վրաց թագաւորները միշտ կարողացել են, չնայելով՝ իրենց չնչին ուժերին, մեծ դեր խաղալ.—նա բաց արաւ Կովկասեան դռներն հիւսիսային Սարմատների, կամ ինչպէս այլք կոչում են Ալանների, առաջ, որոնք որանիվ եւ աւարով հեշտութեամբ էին գրաւում: Այս վայրենի հրոսակները յարձակուեցան Հայաստանի վերայ: Որոդէսը դէմ դուքս եկաւ նրանց եւ մենամարտութեան մէջ վիրաւորուեցաւ Փարասմանեսից, երբ զօրքի մէջ տարածուեց արքայորդու մահուան սուս լուրը, զօրքը ցիրուցան եղաւ: Մինչ Արտաքանէսը յաջորդ 36 թուին նորից կամենում էր պատերազմի բախտը փորձել Հայաստանում, իւր յետեւը դժգոհ պարթեւների կուսակցութեան եւ Տիրերիոսի ձեռքով պատրաստած խարդաւանանքն երեւան եկաւ: Դժգոհների պարագլուին էր հարուստ ու զօրաւոր Սիննակէսը,

որ Տիբերիոսից խնդրել ու ստացել էր պատանդ արշակունիներից մէկին, Փրաատէս Դոփի Փարատեսին, իբրև պարթեաց թագաւոր: Սա շուտով մեռաւ և նրան փոխարինեց Փրաատէս Դոփի թռոներից մէկը Տիբերիոս անունով:

Մեծամեծներն միմեանց ետեից թողին Արտաբանին և միացան նրա հակառակորդի հետ: Արտաբանէսը բարւոք համարեց ազատակամ քաշուել ասպարիզից և գնալով Վրկանաց աշխարհը, նորոգեց իւր հին յարաբերութիւնները հարկան թափառական ազգերի հետ:

Տիբերիատէս Գոռվմէական զօրքերով յառաջ խաղաց և արիրեց արեւմտեան նահանգնեներին, Տիգրոն մտնելուց յետոյ շուտով թագ կապեց առանց սպասելու զօրաւոր արեւելեան սատրապների գալստեան, որով և նրանց թշնամեցրեց իւր հետ: Դժգոհները կրկին հրաւիրեցին Արտաբանէս Գոռվմէականին, որ Դաշերից և Սակերից կազմուած բանակով եկաւ ու առանց պատերազմի դրաւեց իւր գահը. Տիբերիատէսը ապաստանարան գտաւ Ասորիքում (36 թ.): Հոռվմէացոց հետ հաշտութեան դաշն կուեց Արտաբանէս և իւր որդի Դարեհին ևս պատանդ տուաւ: Մի նոր դաւագրութիւնից խոյս տալով՝ Արտաբանէս ապաւինեց Աղիարենի հզատէս թագաւորին: Պարթեների վրայ թագաւորեց Արտաբանէսի որդեղիր Կիննա-

մնս, որ ապա ինքնակամ տեղի տուաւ Արտաբանեսին: Իզատէս թագաւորը վարձատրուեցաւ իւր հաւատարմութեան համար, բացի մի քանի պատուոյ նշաններից, նա ստացաւ եւ Մծմին քաղաքը, որ իւլեց Հայոց թագաւորից: Հայաստանը կրկին ընկել էր պարթեաց ձեռքը շնորհիւ Գայլոս կեսարի անմտութեան, որ Հայոց թագաւոր վրացի Միթրիդատեսին Հոռվմը էր կանչել եւ զերութեան մէջ էր պահում: Արտաբանէսը հաւանօրէն մեռաւ 40 թ.ին:

Նոյն թուին թագաւորեց Արտաբանէսի որդի Վարդանէսը, սրա փոխանակ 41 թուին թագաւորում է Գոռար ցէ սը, որ իւր անգիտութեան պատճառով հալածուում և կրկին Վարդանէսն է թագաւորում (42. յուլիս): Մինչ Վարդանէսը ներքին կոիւներով էր զբաղուած, հոռվմէացիք կրկին պարթեներից խլեցին Հայաստանը եւ Կըլաւիոս կայսը զերութիւնից արձակեց Հայոց թագաւոր Միթրիդատեսին (վրաց թագաւորի եղբօրը), սա հոռվմէական եւ վրացի զօրքերով Հայաստան խուժեց, յաղթեց Դամինաքս սատրապին եւ տիրեց Հայաստանին:

Վարդանէսը Գոռարցեսի հետ հաշտուեց, տիրեց Սելշւկիա քաղաքին եւ մկան ծրագիր կազմել Հայաստանին տիրելու մասին սակայն ներքին Խոսկութիւնները թոյլ չը տուին նորան այդ գոր-

ծին ձեռնարկելու։ Գոտարցեսի երրորդ ապստամբութիւնն ևս ճնշեց նա, այդ հակառակորդին հալտծեց մինչև Սինդէս (Թէջէտ) գետի ափունքն և մի յուշարձան կանգնելով այնտեղ՝ յետ դարձաւ։ Յաղթութիւններով գոռոզացած Վարդանէսն սկսաւ անգթութիւններ գործել, ուստի և դաւադրութեամբ որսի ժամանակ սպանուեցաւ, երեխ 45 թուին։ Գահը կրկին բռնաբարութեան առարկայ դարձաւ, ապա թագաւորեց կը կին Գոտարցէսը, որի անգթութիւնների պատճառաւ պարթեները թագաւոր խնդրեցին Հռովմեղած պատանզներից։ 49 թուին Գայոս Կեսարը տուաւ նրանց Մեհերգատէսին (որ է Միթրիգատէս Ե.), որի հետ միացան Ռւոհայի թագաւոր Արգար Ե. և Ազիարէնէի թագաւոր Իզատէսն։ Գոտարցէսը նախ իւր կողմը դրաւեց Մեհերգատէսի կուսակիցներին և ապա շրջապատելով նրա բանակը, մեծ յաղթութիւն տարաւ նրա վրայ, ջարդելով զրեթէ նրա բոլոր զօրքը (50 թուին)։ Պարտուած Մեհերգատէսն ընկաւ յաղթականի ձեռքն, որ նորա ականջները կտրելով արձակեց, իսկ ինքը Գոտարցէսը հիւանդանալով մեռաւ մի տարի յետոյ (51 թուին)։ Սրան յաջորդեց Արտաբանէս Գ.-ի եղբայր, Ազիարէնի թագաւոր Վանոնէսը, որ շատ կարճ ժամանակ թագաւորեց (51—54)։ Վանոնէսի աւագ որդին Վոլագագէս (Վաղար-

շակ) Միլեաացի մի հարճի զաւակ էր, բայց այսու ամենայնիւ թագաւորեց պարթեաց վրայ իւր եղբայրների համաձայնութեամբ։ Ապագայ խռովութիւնների առաջն առնելու համար՝ սա իւր եղբայրներին թագաւոր դարձրեց սահմանակից երկրներում։ Պակորու (Բակուք) ստացաւ Ատրագատականը, Մարաստանը, Տիբիգատ առեսին որոշեց տալ Հայաստանը, սրանք պէտք է մեծ արքայից յետոյ երկրորդ և երրորդ աստիճան ունենային։ Պարթեաց տէրութեան մէջ չորրորդ թագաւորութիւնը կազմում էր արևելեան իրանն և հնդոսի շրջակայ երկիրները, հինգերորդը Մաղքթաց աշխարհը (Կովկասի հիւսիսային զառափայրը, ուր 19 թուին Քրիստոսից յետոյ իշխում էր մի արշակունի թագաւոր)։ Ազաթանգեղոսի և Սեբէոսի յիշած պարթեական չորս թագաւորութիւնները ճիշդ են, եթէ աչքի առաջ ունենանք՝ որ Ատրագատականի տէրութիւնը վերջը միացաւ բուն Պարսկաստանի հետ։

Հայսպտանին տիրելու լաւ առիթ եղաւ Միթրիդատէսի սպանումն իւր ազգակից Ուատամիստոսի ձեռքով։ Պարթեւները յարձակուեցան Հայաստանի վրայ (52 թ.) եւ արքայասպանն յափրշտակիչը վիախաւ առանց ովմաղրութեան, Տիրիդատէսը տիրեց Արտաշատ եւ Տիգրանակերտ քաղաքներին։ Պարթեւաց բանակում ժանտախտ

Երեւեցաւ եւ նրանք ստիպուեցան քաշուել Հայաստանից (53), ուստի Ռատամիստոսը կրկին թագաւորեց: Ժողովրդական ապատամբութիւն ծագեց Հայաստանում՝ եւ Ռատամիստոսը վրնդուեցաւ 54 թուին, պարթեւները հանգամանքից օգտուեցան եւ կրկին տիրեցին Հայաստանին առանց որ եւ է ռիմառութեան հանդիպելու: Հռովմէացիք չէին կարող թոյլ տալ, որ Հայաստանը կրկին պարթեւական ներկիր դառնայ, ուստի Վոլագեզեսի ընդում հանեցին Վարդանեսի որդի նանեսին եւ Սկիլացիներին որդեցին պարթեւների վրայ յարձակուելու: Վոլագեզէսը զօրքերը կանչեց Հայաստանից (55 թ.) եւ հաշուութիւն արաւ հոռվմայեցոց հետ: Նանեսի դրամները 55—58 թուականն են համուում, մինչ Վոլագեզեսինը վերսկսուեցան 61 թուից: Վոլագեզէսը 58 թուից սկսում է դարձեալ արշաւանք դէպի Հայաստան առանց հոռվմայեցոց դէմ: պատերազմ՝ Տրատարակելու: Հայկական պատերազմները համարուում էին Տիրիատեսիք զործ, որ կապ չունէր արքայից արքայի հետ: Այս անգամ՝ պարթեւները շատ թոյլ էին. 58—59 թ. Դոմեցիոս Կորբուլուն առանց մեծ ծիգերի տիրեց Արտաշատին եւ աւերեց այդ մայրաքաղաքին, գրաւեց Տիգրանակերտը եւ ամեն տեղ հոռվմէական գերիշխանութիւնը վերականգնեց: Հայաստանում՝ ներոն կայսեր հրամանով

թագաւորեց Տիգրան Ե., որ հերովիեան ցեղի Կապատովվկիա տեղափոխուած միւղիցն էր: Վերջապէս ներքին խոռվութիւնները հաղարեցին Պարսկաստանում, Վոլագեզէսը ժանաչեց Վրկանաց (Հիւրկանիոս) աշխարհի անկախութիւնն եւ ձեռնարկեց Հայաստանին տիրելու գործին: Հանդիսաւոր կերպով թագաւոր պսակեց Տիրիատեսին, ապատանիներից բաղկացած զօրախմբով՝ որի հըրամանատարն էր Մոնեզէս, եւ Ատրպատականի թագաւոր Մոնաքազոս Բ.-ի զօրքերով Տիրիատէսը դուրս եկաւ Տիգրան Ե.-ի դէմ, որ արշաւել էր դէպի Ատրպատական, յետ մղեց նրան եւ պաշարեց Տիգրանակերտում: Վոլագեզէսն ինքը պատերազմի դաշտը դուրս եկաւ, Մծբնում՝ պատահեց նրան Կորբուլոնի մի դեսպանը որի միջոցաւ զինադադար հաստատուեցաւ մի առ ժամանակ, որի զօրութեամբ պարթեւները Տիգրանակերտի պաշարումը վերցրին եւ դեսպաններ ուղարկեցին ներոն կայսեր մօտ: Զինադադարի զօրուածներից մէկն այն էր՝ որ հոռվմայեցիք պիտի յետ կանչէին Հայաստանից Տիգրան Ե.-ին պաշտպանող հոռվմէական զօրքերին: Այս անպատուաթեր զիջումն արաւ Կորբուլոնը այն պատճառով՝ որովհետեւ կրօնով եւ քարքով պարթեւներին աւելի մերժաւոր հայ ժողովուրդը միշտ պարթեւների կողմն էր հակուում, իսկ հոռվմէա-

կան իշխանութեան հպատակում՝ էր այն ժամանակ միայն, երբ այդ իշխանութեան նեցուկ էր լինում հոռվմէական քանակը:

Տիգրան Ե. թէպէտ ներովդեան ցեղի առ հոռվմէացիս ունեցած ստրուկ հոգու տէրն էր, բայց ոյժ եւ եռանդ չունէր մի ապատամբ ժողովուրդ սանձելու: Վոլազագեսի խաղաղութեան պայմանները չընդունուեցան Հոռվմում, ուստի եւ սկսաւ յայտնի պատերազմ:

Հայաստան ուղարկած հոռվմէական զօռքերի հրամանատար Ցէզէնիուս Պէտոսը անզգուշագր ցրուեց իւր ոյժերն եւ երբ վտանգի մէջ զունուող Տիգրանակերտին օգնութիւն էր կամենում հասցընել, յաղթուեցաւ Վոլազագեսից եւ յետ քաշուեց (62): Պարթեւաց թագաւոր Տաւրոսի անցքերից դուրս եկաւ մի առ մի ջարդելով հոռվմէացի պահապան զնուերն ու պաշարեց Արածանի հարաւային ափերում Ռանդէայի մօտ Ցէզէնիուս Պէտոսի բանակը. Պէտոսը ստիպուեցաւ անձնատոր լինել, որովհետեւ Կորրոլոնը դիտմամբ ուշացաւ Ասորիքից Նրան օգնութեան համելու, Հոռվմէացիք ստիպուեցան դուրս գալ Հայաստանից եւ պարտուած զօրքը դեռ մի կամհը եւս շինեց Արածանու վրայ պարթեւների համար: Կորրոլոնը աշխատել էր Եփրատի սահմանները պահպանել, մինչեւ իսկ ամրոցներ էր կառուցել միւս ափին,

Թշնամու երկրում: Մոնէզէս զօրավարի հետ տեղի ունեցած տեսակցութեան ժամանակ Կորրոլոնը համաձայնեց քանդել այդ ամրոցները, սրա փոխարէն պարթեւները խոստացան Հայաստանից դուրս զալ եւ սպասել ներոն կայսեր ուղարկուած դեսպանների բերելիք պատասխանին. Հոռվմում վճուեցին պատերազմը շարունակել եւ հրամանատար կարգեցին կրկին Կորրոլոնին: Հազիւ անցել էր նա Եփրատն եւ ծոփաց աշխարհն էր մտել, որ Վոլազեզեսի ու Տրդատի դեսպաններն ընդառաջեցին: Ռանդէայում Տիրիդատէսը տեսակցեց Կորրոլոնի հետ, ուր որոշուեցաւ, որ Տիրիդատէսը բոլոր բանակի դիմացը կայսեր պատկերի առաջ վայր դնէ իւր թագը եւ ապա Հոռվմ ուղեւորուի նոյնը կայսրից ստանալու համար: Վոլազագէսն ու Մոնէզէսն եւս պատանիներ տուին իրենց այս խոստման կատարումն երաշխաւորելով. Տիրիդատէսի ուղեւորութիւնը տեւեց մինչեւ 66 թիւը, երբ նա Հոռվմում մեծ շրով ընդունեցաւ եւ ներոն կայսեր ծեռուվ Հայաստանի թագաւոր պսակուեցաւ: Այս եւըն երկու կողմին եւս գոհացրեց, Հոռվմէացիք իրենց գերիշխանութիւնը հասուատեցին Հայաստանի վրայ, իսկ պարթեւները կալողացան իրենց թագաւորական ցեղի մի ծիւղը Հայաստանում թագաւորեցնել, որով պարթեւներն աւելի շահուեցան քան թէ Հոռվմէացիք:

Հայաստանին տիրապետելու խնդիրն այսպէս
յաջող լուծումն ստանալուց յետոյ՝ պարթևների
և հռովմէացոց յարաբերութիւնները բարեկամա-
կան դարձան։ Վոլագագէսն և Վեսպասիանոսը բա-
րեկամ էին միմեանց մինչև 75 թուականը, սակայն
պարթևաց աշխարհը չը կարողացաւ այդ խաղա-
ղութեան պտուղները վայելել որովհետեւ Վրկանի
թագաւորը Դերբենդի պահակը բանալով՝ Ալաննե-
րին բաց թողեց պարթևաց երկիրը 72 թուին։
Ալաններն աւերեցին Մարաստանը եւ Հայաստանն
ու մած աւարով յետ դարձան։ Երեք տարի վերջն
Ալանները բուն պարթևաց՝ երկիրն արշաւեցին և
Վոլագագէսին այնպէս նեղը ձգեցին, որ սա Վես-
պասիանոսից օգնութիւն խնդրեց, սակայն կայսրը
մերժեց նրա խնդիրը։ Ալանների այս արշաւանք-
ներն էին պատճառ, որ Վեսպասիանոսն ու նրա
որդիքը Վրաց Մեթրիդատեսի բերդերն ամրացրին։
Վեսպասիանոսի մերժումն Վոլագագէսին օգնելու
քիչ մնաց որ պատերազմի առիթ լինելու բայց դար-
ձեալ յաղթեց կայսեր խաղաղասիրութիւնը և
սպառնացող վտանգի առաջն առնուեցաւ։ Ալան-
ների արշաւանքից քիչ յետոյ մեռաւ Վոլագա-
գէսը, որ պարթևաց նշանաւոր թագաւորներից
մէկն էր և որին պարտական ենք Զենդաւեստայի
մացորդների ժողովածուն։
Իբրև յաջորդ Վոլագագէսի տեսնում ենք

զրամների վրայ երկու թագաւոր, սկսուած 78
թուի յունիս ամսից, սրանցից մին մօրուսաւոր է
և մերձաւորապէս 25 տարեկան, սա կոչուում է
Վոլագագէս թ. միւսն աւելի երիտասարդ, Պակո-
րոս (Բակոր) թ. անուամբ։ Երեխ սրանք երկու
աթոռակից եղայլներ էին։ Բակուրի զրամները
հասնում են մինչև 84 թուականը, մինչ Վոլագա-
գէսի վերջին դրամը 79 թուիցն է, որից յետոյ
հանգէս է գալիս մի Արտաբանէս թ.։ Սա պաշտ-
պան է հանդիսանում Փոքր Ասիայում երեան
եկած կեղծ Ներսնին, ազաստանարան է տալիս
նրան և սպառնում է Տիտոս կայսեր, որ բռնու-
թեամբ այս Ներսնին Հռովմայ գահի վրայ կը բազ-
մացնի։ Այս սպառնալիքը չ'իրագործուում, որով-
հետեւ պարթևաց երկում ներքին խռովութիւն-
ներ են տեղի ունենում, որ դադարում են միայն
93 թուին, երբ միահեծան տէր է դառնում
Բակուր թ. սա 110 թուին գեռ իշխում էր,
որովհետեւ այդ թուականին նա Եգեսիոյ թափուր
մնացած գահը ծախեց Արգար բար հղատին։ Բա-
կուրից յետոյ 110—113 թուականին պարթևա-
կան գահի համար կռուում են Օսրոյէս, Վոլո-
գագէս և Մեծերդոտէս Զ. թեկնածուները,
որոնցից ոչ մէկը յաղթող չի հանդիսանում, ուս-
տի ներքին պատերազմներն անդհատ շարունա-
կուում են։

Այս հանգամանքում՝ Օսրոյէսն անխոհեմութիւն ունեցաւ էքսեղարեսսից՝ որին իւր հայր Բակուլն առանց հոռվմէացոց կտղմից արգելքի հանդիպելու Հայաստանում՝ թագաւորեցրել էր, զահը իւլնլու եւ տալու Բակուրի միւս որդուն, Պարթամասիքիսին: Սրանով հոռվմէացոց միջամտութիւնն անկուսափելի դարձաւ: Տրայանոս կայսրը 113 թ. հոկտեմբերին սկսում է իւր արշաւանքը դէպի արեւելք: Օսրոյէսի դեսպանները՝ որոնք խաղաղութիւն էին առաջարկում եւ խնդրում հայկական թագը Պարթամասիքի համար, կայսեր պատահեցին Աթէնքում՝ կայսրը նրանց յետ դարձեց, յայտնելով որ պատասխան կը ստանան տեղն ու տեղը:

Տրայանոսը 114 թուին մտաւ Հայաստանի սահմանը, առանց պատերազմի զրաւեց Արսամուստան: Արեւմունան Հայաստանի նախարարներն ու թագաւորն արդէն նրան ընդառաջ էին դուրս եկել: Պարթամասիքին խոնարհ ոճով զրել էր նրան իւր խնդիրը եւ անձամբ եկաւ էլէզէա, ուր զահի վրայ բազմած կայսեր առաջ, հոռվմէական քանակի դիմացը, իւր թագը վայր որաւ, այն խարուսիկ յուսով, որ Տրդատի պէս ինքն էւ յետ կը ստանայ նոյնը կայսրից: Տրայանոսը յայտնեց հայոց թագաւորին, որ իսքը Հայաստանը պիտի հոռվմէական գաւառ դարձնի, բացի սրանից առա-

Զարկեց նրան թողնել հեռանալ Հայաստանից եւ իւր հրամանը կատարել տալու համար, մի հոռվմէական պահակախումք տուաւ նրան ուղեկից: Պարթամասիքին կամեցաւ փակչել հոռվմէացի զինուորների հսկողութիւնից եւ սպանուեցաւ: Այս դիպուածից յետոյ զրաւուեցաւ ամբողջ Հայաստանը եւ սահմանակից ազգերի մանր թագաւորները հպատակութիւն յայտնեցին կայսեր: Տրայանոսը յետ դարձաւ Հայաստանից դէպի Եղեսիա, որի թագաւորը նոյնպէս ընդառաջեց և հպատակութիւն յայտնեց: Միջագետքում 115 թ. պտտերազմներ տեղի ունեցան: Կայսեր գլխաւոր ընդդիմադրողն եղաւ Աղիարենի Մերարզագէս արքան, որի նախնիքը Վոլագազէս Ա-ի ժամանակի ևս պաշտպանել էին տէրութիւնը ներոնի զօրավարների գէմ: Մերարզագաէսին պատկանող Մծրինն առան հոռվմէացիք, նորա գաշնակից Մինդարայի իշխան Մանուն փախաւ Աղիարենէ և նրա երկիրն անցաւ հոռվմէացոց ձեռքը: Այս կոհեների ժամանակ Օսրոյէսի անունը միանդամ է յիշուում, նա մարտ էր միլում Կորդիլյենէի [Կորդուաց աշխարհ] Մանիսարոսի դէմ, որ Պարթամասիքի արտաքսուելուց յետոյ Հայաստանի մի քանի գաւառները զրաւել էր. Մանիսարոսը նեղն ընկնելով Օսրոյէսից իւր տիրասպետած երկրներն առաջարկեց Տրայանոսին: Կայսրը տեսնելով՝ որ նրա խոս-

տումները կեղծ են, նուաճեց Կորդուաց աշխարհը
և Հայաստանին սահմանակից Մարաց [Մարկոմե-
թի] երկիրը:

Միջագետքն այժմ հռովմէական գաւառ գար-
ձաւ և կայսրն ստացաւ Պարթիկոս պատուանունը
115 թուին: Յաջորդ տարին Տրայանոսը Տիգրիսն
անցաւ, նուաճեց Մերարգապեսի տէրութիւնը և
կազմեց մի նոր հռովմէական գաւառ Ասորեստան
անուամբ: Այդ տեղից կայսրը դիմեց դէպի Բաբե-
լոն առանց ընդդիմութեան հանդիպելու, որովհե-
տեւ ներքին խոռվութիւնները գեռ շարունակուում
էին Պարսկաստանում: Կայսրը անցաւ Տիգրիսի
ստորին հոսանքից միւս կողմն և տիրեց Տիգրոնին:
Օսրոյեսի աղջիկը և թագաւորական գահն ընկան
կայսեր ձեռքը իսկ ինքը Օսրոյէսը փախաւ եւ
ապաստանարան գուա Հայաստանում որի հիւսի-
սային մասերը կատարելապէս նուածուած չէին
կայսրից:

Տրայանոսը շարունակեց իւր արշաւանքը դէ-
պի հարաւ և պարսից ծոցից նաւատում իսկ ու-
ղարկեց դէպի Բահրայն կղզիքը: Հէնց այդ միջոցին
ապստամբեցին նուաճուած երկրները և հռովմէա-
կան գաւառ հրատարակուած բոլոր երկրներում
ջարդեցին և կամ գուրս քշեցին հռովմէական
պահակ գնդերը: Ապստամբութեան կեղրոնն էր
Ասորեստանը: ապստամբներին գլուխ էր անցել

Մեհերդուտէս Զ., գահի համար պատերազմող
պարթեներից մէկը: Սա արշաւեց մինչև Կոմմո-
գենէ, ուր ձիուց վայր ընկնելով մեռաւ: Նրան
յաջորդեց իւր որդի Սանատրուկ Բ., որի հետ
միացաւ Հայաստանից Օսրոյեսի որդու Պարթա-
մասպատի առաջնորդութեամբ հասած զօրքը: Ինչ-
պէս երեսում է պարթեական թագի թեկնածու-
ների մէջ հաշտութիւն էր տեղի ունեցել, ուստի
և երկու հօրեղբորդորդիք շարունակուում էին կռուել
չռովմի դէմ: Տրայանոսի ուղարկած երկու զօրա-
վարներից մինը բոլորովին ջարդուեցաւ, իսկ միւ-
սը, Հուսիսուր, իւր կողմը զրաւեց Պարթամաս-
պատին, որ գիշերով թողեց Սանատրուկի բանակն
ու անցաւ հռովմէացոց կողմը: Սանատրուկը ջար-
դուեցաւ յաջորդ օրուան ճակատում և սպանուե-
ցաւ, հռովմէացիք տիրեցին Մաքենին, առին և
կործանեցին Եղեսիան և Սելեկիան: Թէպէտե-
ապստամբութիւնը յաջորդութեամբ ընկճուեցաւ,
բայց Տրայանոսը տեսաւ, որ անհնարին էր այդ
նուաճած երկրները ձեռքին պահել ուստի Տիգր-
բոնի մօտ, մի գաշտավայրում, հռովմէական և
պարթեական բանակի առաջ պարթեական թագով
պսակեց Պարթամասպատին (116 թ.):

Յաջորդ տարին կայսրը Միջագետքի Ատրէ
քաղաքը պաշարեց, բայց առնել չը կարողանալով
և հիւանդանալով՝ դարձաւ Ասորիք այնտեղից

ևս ուղեարուեց Հռովմ, բայց ճանապարհին մեռաւ 117 թ. օգոստոսի 7-ին։ Պարթամասպատեսը չը կարողացաւ դեմ գնել հօրը և Օսրոյեսը կրկին տիրացաւ իւր գահին։ Հաղբիանոս կայսրը լաւ հասկանալով՝ որ չէ կարող նոր նուածուած գաւառները, Ասորեստանը, Միջագետքն ու Հայստանը պահել առանց հռովմական զօրքի, հըրաժարուեցաւ գրանցից և Նվրատը կրկին սահման դարձեց հռովմէական կայսրութեան։ Այդ միջոցին Պարթամասպատեսն^{*} ստացաւ Ուռհայի կամ Եղեսիոյ թագաւորութիւնն, ուր իշխեց 119—123 թ.։ Տրայանոսի արշաւանաց և աիրապետութեան քաղաքականութիւնը միայն այն հետեւանքն ունեցաւ, որ պարթեաց տէրութեան թուլութիւնը պարզուեցաւ։ Ներքին խռովութիւնները չէին դադարում։ Օսրոյեսի հետ միասին կամ իբրև նրան հակաթոռ շարունակում էր կողագաղէսը դեռ գրամմեր կոնսել։ Հաղբիանոսի օրով պարթենների յարաբերսութիւնները բարեկամական էին և 123 թուին պատերազմի սպառնացող վասնգի առաջն առնուեցաւ կայսեր հետ բանակցութեամբ, այդ միջոցին էր, որ Պարթամասպատեսն հեռացուեցաւ Եղեսիոյ թագաւորութիւնից, որովհետեւ նրա

*. Ուռհայի թագաւորութիւնները կարգում սա կոչուած է Պարնաթասպատ։

ներկայութիւնը մի մշտական սպառնալիք էր արքայից արքայի համար։ Եղեսիայում գահն անցաւ կրկին նախկին եղեսական հարստութեան։ Օսրոյեսի գերի ընկած աղջիկն ազատութիւն ստացաւ 130 թուին, իսկ թագաւորական գահը մնաց դարձեալ հռովմէացոց ձեռքը։

Օսրոյեսի վախճանից յետոյ միահեծան տեր եղաւ Վուազէս Բ. Սրա ժամանակ, 135 թ. Ալանները կրկին հեղեղեցին Մարաստանը շընորհիւ վրաց Փարասմանէս Բ. Թագաւորի, որ նրանց առաջ բաց էր արել կովկասեան անցքերը։ Ալանները աւերեցին Հայաստանի եւ Կապպաղովկիայի մի քանի նահանգները։ Այս առթիւ յիշուում է մի Վոլագագէս թագաւոր, որ զանզատուեց կայսեր Փարասմանեսի վրայ, որ սակայն անձամբ չոռվմ գնաց եւ մեղմացրեց կայսեր բարկութիւնը։ Այս Վոլագագէսն էր Հայոց այն թագաւորը, որ անուամբ մեզ յայտնի չէ եւ որին Հաղբիանուը, թագաւորեցրեց 117-ին եւ ապա 140—143-ին նրան մի յաջորդ նշանակեց։ Սովորաբար այս Վոլագագէսին շփոթում են պարթեւաց Վոլագագէս Բ.-ի հետ, որ դրամներին նայելով՝ մեռել է 148 թուին, 76 տարի թագաւորեց և 95 տարի ապրելուց յետոյ։

Վոլագագէս Բ.-ին յաջորդեց Վոլագագէս Գ.։ Սա կամնում էր տիրել Հայաստանին բայց դեռ

եւս կոիւ չը սկսած՝ 155 թուին Աստոնիոս Պիտ կայսեր հետ Անտիոքում տեսակցովթիւն ունենալով յետ կեցաւ իւր մտահրովթիւնից պահ մի առ ժամանակ: Պարթեւաց թագաւորը պատերազմի պատրաստովթիւն սկսաւ տեսնել եւ Աստոնիոս Պիտի մահուանից յետոյ յարձակուեցաւ Հայաստանի վրայ 162 թ.: Հոռվմի պաշտպանեալ Սոճէ մոս թագաւորը վնադուեցաւ Հայաստանից եւ նրա տեղը թագաւորեց Բակուրը: Կապադովկիայի հոռվմէական զօրաւար Էլիոս Սեւերինոսը յարձակուեց Հայաստանի վրայ, բայց Էլեգէայի մօտ շրջապատեց պարթեւաց թագաւոր Օսրոյէսի զօրքերից եւ նրա ամբողջ լեզվոնը ջարդուեցաւ, ինըը Սեւերինոսը իւր սրի վրայ ընկնելով անձնասպան եղաւ: Պարթևները մտան Կապագագովկիա և ապա Ասորիք և մեծ աւերմունք գործեցին: Հռովմէական զօրքերն Ասորիքում ևս յաղթուեցան և նեղն ընկած գաւառացիք սկսան միտումներ ցոյց տալ Հռովմից բաժանուելու: Վերջապէս Հռովմից ժամանեց կայսեր եղբայրը: Հուկիոս Վերոնաց, որի հմուտ զօրավար Աւեդիոս Կասսիոսն սկսաւ գիմալիութեան պատրաստուել: Հռովմէացիք խաղաղութիւն առաջարկեցին, որ Վոլագազէս Գ. մերժեց: Այս պատերազմը, որ պաշտօնապէս կոչում է «Հայկական եւ պարթեւական» շարունակուում էր երկու զամազան վայրերում:

Հայաստանը կրկին զրաւեցին հոռվմէացիք Ստատիոս Պրիսկոսի ծեռովով, ոս Արտաշատն առաւ եւ զահընկեց արաւ Բակուրին (163), կրկին թագաւորեց Սոճէմնսին, որին զահի վրայ բարձրացնելն յանձնուեցաւ Մարտիրոս Վերոսին, Պրիսկոսի յաջորդին: Հռովմէացի զօրավարն այդ գործը խաղաղութեամբ եւ համիզելով զլուխ բերաւ (164), Աւեդիոս Կասսիոսն ինքն անձամբ պէտք է պարթեւների առաջն առներ Ասորիքում: Եւրոպոսի մօտ տեղի ունեցած ճակատամարտում Վոլագազէսը յաղթուեցաւ և Ասորիքից յետ քշուեց, հռովմէացիք մտան Հիւսիսային Միջագեաք, Եղեսիան պաշարեցին և առան: Երկար գիմազրութիւն ցոյց տուաւ Մծրինը, սակայն վերջն ընկաւ թրշնամեաց ձեռքը: Ներքին խռովութիւնները ստիպեցին Վոլոգազէսին թողնել Միջագետքն ու անցնել Տիգրիսի միւս կողմը: Կասսիոսը հետեւեց նրան և առաւ Սելեկիան, որ 400,000 բնակիչ ուներ այն ժամանակ: Հռովմէացիք իբրև բարեկամ Սելեկիա մտնելուց յետոյ՝ պատրուակ գտան քաղաքը կուզոպտելու և այրելու, որով ոչնչացաւ հելլենական քաղաքակրթութեան այդ կեդրոնը: Կասսիոսը գիշեց Տիգրոն և արքունի գղեակը առնելով աւերեց ու հողին հաւասարեցրեց: Յաղթական կերպով 165 թ. Կասսիոսը գարձաւ Ասորիք: Այդ յաղթանակների ժամանակ անգործ չէր եւ Մարտի-

ըոս վերոսը, որ Հայաստանից մնաւ Ասորապատական եւ մեծամեծ յաջողութիւններ ունեցաւ: Երկու կայսրները այս պատերազմների շնորհիւ ստացան Արմենիկուս, Պարթիկուս, Մաքսիմուս եւ Մեդիկուս տիտղոսները: Քառամեայ պատերազմներից յետոյ խաղաղութեան դաշն կոուեց 166 թուին: Այս գաշինքի զլիաւոր կէտն էր — Միջագետքի հռովմէացոց ձեռքն անցնելը: Հուկիոս վերոսը Եգեսիայում թագաւորեցրեց Մանուին, իսկ ինքը գնաց Հռովմէայի իրենց այս մեծ յաղթութիւնները տօնելու: Հռովմայեցիք իրենց այս մեծ յաղթութիւններից չափաւոր կերպով օգտուեցան, բայց պարթեաց զօրութեան վերջին հարուածը տուին, այսուհետեւ պարթեաց թագաւորութիւնն արդէն գէպի քայլքայումն է դիմում:

Փարթեաց երկիրը քառասնամեայ խաղաղութիւն գայելեց այս պատերազմից յետոյ. Վոլագագէս Դ.-ին յաջորդեց 191 թ. Վոլագագէս Դ. սրաօրով Սևերոս կայսրը արշաւեց նախ Միջագետք (195 թ.), որ պարթեները գրաւել էին օգուտ քաղելով Հռովմայեցոց ներքին կոիւներից: Ուռհայի թագաւոր Արքար Հ. անմիջապէս հպատակութիւն յայտնեց կայսեր, Ագիաբանէն զրաւեց, հարտւային Միջագետքը նուածելով դարձրեց Հռովմէական գաւառ: Սևերոսի և Ալբինոսի մէջ ծագած պատերազմից օգտուելով պարթեները դիմեցին Միջա-

գետք և պաշարեցին Միջինը: Սևերոսը Ալբինոսին յաղթելուց յետոյ 197 թուին եկաւ Ասորիք, իսկ 198 թուին, երբ Միջագետք արշաւեց, պարթեներն առանց կոուի յետ քաշուեցան: Սևերոսը սկսաւ Միջնում մեծամեծ պատրաստութիւններ տեսնել առաջիկայ պատերազմի համար, նորան օգնում էր պարթեաց թագաւորի Տրդատ անունով եղբայրը: Եփրատի ընթացքով գէպի հարաւ գիմեց Հռովմայեցոց բանակն ու Գաւատորմիղը 199 թ. Բաբելոնիայից նա անցաւ գէպի Տիգրիս և յանկարծակիի բերելով ջարդեց պարթեւական բանակը: Նոյն տարուան ձմեռը առաւ նա Տիգրնը՝ որտեղից 100,000 հոգի գերի վարեց և քաղաքն էլ աւերեց: Կայսրը չը հալածեց Վոլագագեսին և պաշարի նեղուժիւն քաշելով՝ ստիպուեց յետ նահանջել: Միջագետքում Սևերոսը փորձեց Ատրա քաղաքն առնել բայց չը կարողացաւ, ուստի մտաւ Ասորիք 200 թ.: Յաջորդ տարին Սեւերոսը զրադուած էր Հայաստանում: Այնուղի եւս հոռվմէական գէնքի ոյժը ցոյց տալուց յետոյ կրկն ովմեց Ատրայի վրայ. բայց առնել չը կարողանալով՝ ամօթահար յետ դարձաւ, որով Ատրայի փոքրիկ իշխանութեան զէնքի փառքը շատ բարձրացաւ և Հռովմայեցոցն ընկաւ: Վոլագագէս Դ. մեռաւ 209 թ. նրան յաջորդեց իւր որդի Վոլագագէս Ե. սրա ժամա-

նակ սկսան ներքին կոխւները Պարսիս նահանգում
որոնք վերջը կործանիչ եղան պարթևների համար:
Արտաքանէսը՝ թագաւորի եղբայրը, 213 թուին
իրեն թագաւոր հրատարակեց, բայց 216 թուին
միայն զօրացաւ և տիրեց մայրաքաղաքին: Անտո-
նինոս Պիոսը Արդարանէս Ե.-ի աղջիկն իրեն
կութեան ինդրեց, բայց մերժումն ստանալով՝
պատերազմ հրատարակեց և արշաւեց պարթևաց
երկիրը: Հռովմէացիք աւերեցին Ազիաբանէի հիւ-
սիսային սահմաններն և երկիրը կողոպտելով յետ
դարձան, պարթևները գիմադրութիւն ցոյց չը
տուին: Անտոնինոսը պատրաստում էր կրկին պար-
թևաց երկիրն արշաւելու, որ սպանուեցաւ 217-ին:
Նրա յաջորդ Մակրինոս կայսեր չը յաջողուեցաւ
խաղաղութիւն հաստատել պարթևաց հետ: Մծբնի
մերձակայքում պարթևաց թագաւորը երկու ան-
գամ մեծ յաղթութիւն տարաւ հռովմէացոց վրայ
և կոխելով հռովմէական սահմաններն աւերեց:
Մակրինոսը 50 միլիոն դենար (20,000,000 ռուբ-
լու չափ) վճարելով պարթևաց թագաւորին՝ խա-
ղաղութեան դաշն հաստատեց: Այդ միջոցին (222
թ.) Արտաքանէսը միահեծան տէր դարձաւ պար-
թևական գահին յաղթելով իւր եղբօրը:

Պարթևական իշխանութեան վախճանը հասել
էր, Արտաքանէսը չը կարողացաւ այլքան դժուա-
րութիւններով ձեռք բերած գահը իւր ժառանգին

թողնել, նա եղաւ վերջին պարթևական թագա-
ւորը Պարսկաստանում:

Պարսիս նահանգը, որտեղից դուրս եկաւ
պարթևական իշխանութեան կործանիչը, բոլոր
պարթևական շրջանում վարել է առանձնական
կեանք, ուստի և շատ սակաւ է յիշատակուում:
Նոր ժամանակներումն գտնուած դրամների շնոր-
հիւ միայն գիտենք այժմ, որ Պարսիսը մի առան-
ձին փոքրիկ թագաւորութիւն էր: Մեր ունեցած
դրամները երեք զանազան շրջաններից են. առաջին
շրջանի իշխանները կոչուում են Փերիտկարի,
երկրորդինը և երրորդինը Մալքա, երրորդ շրջանի
թագաւորները զանազանուում են նախընթաց
երկու շրջանի իշխաններից իւրեանց պարթե-
ւական զգեստով: Այս դրամների երկրորդ երեսի
վրայ գտնուում է միշտ կրակի սեղանը, որ ցոյց է
տալիս՝ թէ Պարսիսի իշխաններն սկզբաննէ ջեր-
մեռանդ կրակապաշտներ էին: Այս իշխանների
անունները մասամբ հին պարսկական, աքեմենեան
անուններ են, ինչպէս՝ Դարեհ, Արտաշէս և մա-
սամբ Սասանեան ժամանակի, ինչպէս՝ Ներսէհ,
Յազիերտ և լի: Այս իշխանների ժամանակի և
նրանց գործերի մասին մենք շատ քիչ բան գի-
տենք, երկրորդ դարու կիսին բոլորովին քայլայ-
ման էր հասել այդ թագաւորութիւնը: Պերսիսը
կեցրոն էր զրադաշտական պաշտաման, երկրի մայ-

բաքաղաքում, Ստահլում կամ Խստախրում, որ գտնուում էր Պերսեպոլիսի մերձակայքում՝ զբանուում էր Անահիդ դիցուհու նշանաւոր ատրուշանը: Այս տաճարի վերակացուն էր Ստամի սա արքունի ցեղից մի աղջիկ կին առնելով հիմք դրաւիւր տան ապագայ մեծութեան: Այս ամռւսնութիւնից ծնաւ Պարակը, որ իւր որդի Արտաշիրի համար Դարա-բերդի հրամանատարութիւնը ձեռք բերաւ: Այս եռանդուն և փառասէր երիտասարդն սկսաւ 212 թուից մանր թագաւորների դէմ կռուել և յաղթելով նրանց՝ սպանեց: Պարակը իւր որդու դրդմամք պատերազմի դուրս եկաւ Խստահի վերջին թագաւոր Գողեհրի դէմ և յաղթելով սպանեց նրան: Սրանից յետոյ Պարակը դիմեց Արտաքանին և ինչդրեց, որ Գողեհրի թագն իւր աւագ որդուն տայ: Արքայից արքան չը համաձայնեց բայց Պարակը ուշը չը դարձրեց նրա վրայ. Եթի Պարակը մեռաւ, Խստահրում թագաւորեց նրա աւագ որդի Շապուհը:

Եթէ Շապուհը պատահաբար չը մեռնէր շուտով՝ երկու եղբայրների մէջ կրիւ պիտի ծագէր, բայց Շապուհի մահուանից յետոյ Արտաշիրը գրաւեց Ստահը, ապա իւր ընտանիքի մէջ կատարած արիւնչեղութեամք տէր դարձաւ նախ իւր տառնը, ապա բոլոր Պերսիա նահանդին: Միայն ոյժմ բացուեցաւ Արտաքանի աչքը և նա 224-ին Նիլ-

Փարին ուղարկեց, որ Արտաշիրին շղթայակապ իւր առաջը բերէ: Այս առջիւ ծագեց այն պատերազմը, որ վախճան տոււաւ պարթեական իշխանութեան: Արտաշիրը լսելով Նիրովարի գալը արշաւեց Շադ-Շապուհի, Խստահանի թագաւորի գէմ և յաղթելով նրան՝ տէր գարձաւ նրա երկը, ապա յաղթեց և Ահվազի թագաւոր Նիրովարին: Այս յաղթութիւններից յետոյ զրաւեց նա և Մեղենէ կոչուած երկիրը: Սրանից յետոյ պատգամ ուղարկեց Արտաքանին տեղ և ժամանակ նշանակելու կոռուի համար. Արտաքանը այս հրաւերն ընդունեց և չորմիզգան գաշտում տեղի ունեցած ճակատամարտում յաղթուեցաւ և սպանուեցաւ: Արտաշիրը արքայից արքայ հրատակուեց 227-ին ապրիլի 28-ին:

Արտաշիրը յաջորդ ժամանակի ընթացքում մինչև 228 թուականը հետեւեալ գործերը կատարեց. նախ Ատրա քաղաքի վրայ յարձակուեցաւ և առնել չը կարողանալով՝ յետ քաշուեց, ապա յարձակուեց Մարաստանի վրայ և զրաւեց նրա մեծ մասը, անյաշող փորձ արաւ չայատանին տիրելու եւ յետ մղուեցաւ հայերից: Տիգրոնին տիրեց Արտաշէս 227-ի աշնանը, որովհետեւ Արտաքանի մահուանից յետոյ նրա եղբայր Վահարշ Ե. մի առժամանակ կարողացել էր դէմ դնել Արտաշիսին:

Արեւելեան Պարսկաստանին Արտաշիր աւելի

ուշ է տիրել, նրա ձեռքն անցած երկիրներն էին
Սակաստան, Վրկան և Մերվ, բոլորովին արե-
ւելեան երկիրները դեռ երկար ժամանակ աղատ
մնացին Սասանեան տիրապետութիւնից, այնտեղ
իւր գոյութիւնը պահպանեց չին Տոխարացոց
թագաւորութիւնը, որի վախճանը հասաւ 429
թուին, եթզ սասանեանները հայաստանում վերջ
որին արշակունի հարստութեան:



1w



